

詞

鈔
五


青城。 螺舟倚語。
映竹軒。 迎陵。
藝文。 松溪。



名家詞鈔目錄

廬陵 聶先 晉人

纂定



長水 曾王孫 道扶

青城詞

嘉善 魏學渠 子存

長相思 相見懽

生查子 浣溪沙 二調

菩薩蠻 三調 訴衷情

後庭花 減字木蘭花 二調

謁金門

清平樂

阮郎歸

畫堂春

眼兒媚

桃源憶故人

柳稍青

應天長

惜分飛

醉花陰

南歌子

青門引

醉紅粧

雙調望江南

浪淘沙

鷓鴣天

木蘭花令

踏莎行

臨江仙

蝶戀花

一剪梅

漁家傲

鳳啣盃

行香子

金人捧露盤

山亭柳

蕙蘭芳引

滿江紅

滿庭芳

鳳凰臺上憶吹簫

雨中花慢

瑣牕寒

金菊對芙蓉

念奴嬌

木蘭花慢

齊天樂

花發沁園春

望海潮

沁園春

白苧

青城詞

嘉善

魏學渠

子存

長相思

秋怨

曉山青。曉風輕。黃菊丹楓送客程。長亭復短亭。柳邊城。蓼邊汀。葉葉秋聲和鴈聲。清霜點鬢明。

相見懽

春晴

是誰漏洩春光。柳條黃。亂落榆錢無數。買愁長。千里思。兩地淚。成行。燕燕鶯鶯。故故惱人腸。

生查子

湖上

山○中○一○夜○雨○湖○上○春○波○足○並○蒂○藕○開○花○花○底○鴛○鴦○宿○
玉○蘇○小○門○前○路○舊○艷○矜○新○目○何○代○無○紅○顏○有○箇○人○如○

浣溪沙 閨情

聽○唱○新○詞○損○翠○蛾○柔○肌○猶○自○怯○輕○羅○朝○來○攬○鏡○奈○愁○
何○後○夢○不○如○前○夢○好○無○情○猶○勝○薄○情○多○東○風○日○夕○
長○春○波○

前調

笛○裏○吹○來○帶○落○梅○捲○簾○風○細○月○徘○徊○車○聲○門○外○似○殷○

雷○侍○兒○猜○淚○臉○露○桃○紅○臉○斷○顰○眉○烟○柳○碧○初○裁○一○春○愁○鎖○

菩薩蠻 秋閨

玲○瓏○絲○藕○抽○難○盡○水○紋○縐○處○西○風○緊○細○雨○浴○鴛○鴦○江○
花○滿○渚○香○紅○橋○雙○槳○急○髻○驪○羅○裙○溼○迴○首○隔○汀○洲○
橫○波○一○寸○留○

前調 春閨

玉○銜○金○勒○青○驄○馬○驕○嘶○繫○向○垂○楊○下○朱○戶○繡○帷○空○蘭○
心○誰○與○同○鳳○皇○盤○蜀○錦○釵○落○頗○黎○枕○夢○醒○覺○孤○眠○

烏啼曉露寒

前調

海棠花雨西園暮。麝煙鸞珮飄香霧。小婢罵東風。春泥踏作紅。衫籠肌雪軟。翠袖香篝煥。望遠不分明。閒調銀字笙。

訴衷情 芝蔴港泊舟閒步

一行垂柳住人家。小婦髻堆鴉。挑起酒帘還坐。菱角雜魚蝦。沿綠岸。數雲帆。話桑麻。秋聲淅瀝。秋意悲涼。無限蘆花。

後庭花

秋思

楚山楚水悲秋客。霜濃露白烟外鷺。鷺沙上迹悲來。疇昔藕花蘋葉香。狼籍波深幾尺。明月高樓當此夕。有人憐惜。

減字木蘭花

江行

潮平如掌。兩岼蘆花瑟瑟響。遙露青峰鷺外霞。飛一線紅。斜陽帶鴈。最是秋聲聽不慣。帆落風徐柳下。人家半賣魚。

前調 渡江

雲濤萬頃。白鷺晴空流素影。瓜步人烟點點。漁艇古
廟邊。粉塘如練。蘆管輕吹醒酒面。落日帆迴。帶得
六朝秋色來。

謁金門 紅葉

南飛鴈。催得青林色換。幾樹丹霞風裏顫。畫秋光一
半。不是艷陽繡句。淚雨年年紅濺。纖手拾來呵紫
硯。新題勻綵翰。

清平樂 刺繡

簾飄花瓣。生怕韶華散。纖手輕描紅藥綻。留取春光

一線。好將幾縷柔絲。閒摹鴛翼雄雌。金剪難挑百
結。針神無奈停時。

阮郎歸 閒愁

雕闌曲檻雨絲絲。棠花三兩枝。樓中歎息畫簾低。含
情知爲誰。羅袖薄。曉風吹。殘紅踏作泥。梁間雙燕
語斜暉。阮郎歸不歸。

前調 秋海棠

秋來春思剩紅綃。娉婷臉暈潮。輕寒拖艷不勝嬌。朝
朝魂暗銷。沾玉露。灑金飈。芳姿帶雨饒。芙蓉臨水

水○平○橋○幽○人○韻○竝○高○

畫堂春 秋柳

舞腰無力向西風。裊枝啼露朦朧。絲絲縷縷做秋容。
老却丹楓。岸艸同憐蘆荻。江花留伴芙蓉。當時攀折正春濃。夢斷青驄。

前調 秋聲

高樓暝色與雲平。誰家偷弄銀箏。西風初試粉香城。
葉葉聲聲。簾外新添蛩語。烟中偏肅鴻翎。枕前聽碎。不分明。總恨飄零。

眼兒媚 閨怨

冶郎生性好尋遊。不是覓封侯。娉婷市裏。翠薌樓畔。
到便淹留。願為鄉里。一生休無事。惹閒愁。攏頭餽餉。壚邊滌器。不數風流。

前調 夏夜

園林長日一蟬鳴。綠藻與橋平。殘粧浴罷。梧桐影碎。
茉莉香清。沉瓜浮李。向山亭。蕙幄展桃笙。追涼池上一輪飛。免雨點流螢。

桃源憶故人 春怨

棠梨雨散東風陌。一夜枝頭如滌。催得春歸何處教。
落紅狼籍。雙雙蝴蝶飛無力。應爲殘英添瘳。夢裏
有人長憶。辜負他憐惜。

前調 寒食

平郊二月東風度。數點弄晴絲雨。陌上行人來去總。
是傷心處。春光不到冬青樹。蔓艸凄清無語。杜宇
聲中如訴。銀海茫茫路。

柳梢青 官怨

花鎖千門。昭陽日暖。燕語溫存。采綠烟輕。采繁風軟。

春去無痕。萬般惆悵誰論。空冷落霓裳舊恩。鸞鏡
休粧。鳳衾羞整。獨立黃昏。

應天長 春雨

高樓試望平蕪溼。潤到春衣添麝。夕畫簾垂。金縷澀。
杜宇啼來南又北。落紅粘。飛絮襲。時近黃昏風急。
珠淚春江一色。東去無消息。

惜分飛 本意

鳥重雙飛魚比目。私繡並頭鴛褥。記得溫如玉。別離
容易縈心曲。陌上行來聊采綠。昨日金錢虛卜。誰

說風流足。風流却費人拘束。

醉花陰 清明

梨花如雪飄鴛鴦。岸草風前皺。翠幙鎖深情，羅襪花陰又踏青時候。燕子將雛，喧永晝，賺得雙眉鬪休。說開愁人粉褪香殘，蝶影同消瘦。

南歌子 秋曉

月落青苔院，風過赤葉樓。香凝繡幄下簾鉤，正是獨眠人起不梳頭。景物經秋澹，心情到別柔。梧桐一葉露新流，昨夜燒香，鈿合未曾收。

青門引 閨怨

繡閣輕陰冷，針線慵拈，自省關心。昨夢暗尋思，珠簾不捲。雨過飄殘杏，消愁有酒搖釵影。酒到愁邊醒，那堪密約多半無憑，猶向迴廊等。

醉紅粧 咏螢

隨星帶露慣飛颺，映珠簾入畫堂。坐人衣上晚風涼。身倚小窗輕狂。團團繞扇，愛流光。倩纖手撲來忙。更揣郎歸，明月盡留幾點，照鴛鴦。

雙調望江南 本意

江南好。春色鬧芳叢。燕掠平蕪梅子雨。鶯啼香路杏
園風。溪水碧痕重。江南好。秋氣歛青峰。霜葉紅於
花。二月銀濤白似雪。三冬河渚泛芙蓉。

前調

江南好。東冶趁香車。邀笛步留三弄曲。穿針樓養六
朝花。碧影遶窓紗。江南好。勝事不須奢。纖手剖香
霜。後橋麗眉鬪韻雨。前茶沽酒箇儂家。

浪淘沙

竹亭秋旅

山外起秋風。碧水溶溶半塘明。月出疎鐘望立劔池

霜欲曉來問英雄。點石記生公。夢醒吳儂一江楓。
冷館娃宮蕭寺人歸。絃管歇。日送飛鴻。

鷓鴣天

初夏

荷葉如錢貼野塘。梧桐新乳晚風涼。口噙紅豆無端
恨。手摘青梅別樣香。嫌小婢。怨檀郎。低持紈扇儘
思量。流螢幾點墻頭過。樹影參差月半床。

前調

春遊

紫陌尋春走鈿車。輕移羅襪倩裙遮。淺深綠黛雙描
岫。明滅紅衫一縷霞。釵啣雀鬢堆鴉。多情怕拾攏

頭花自憐不及携。箇女未解閒愁學種麻。

前調 贈歌妓

十五良家籍。主謳嬌移。箏雁半含羞。西園北里何曾見。盡說盧家有莫愁。歌扇底。舞伊州。果然端正又風流。身輕願向雕梁語。莫鎖春深燕子樓。

木蘭花令 春閨

黃鶯啼過垂楊路。記得金鞍從此去。五更殘夢碧爲烟。一日新愁紅是雨。闌干空憶別時語。羅襪痕輕沾落絮。何須剗地起東風。早自銷魂斜照裏。

踏莎行

漢中司李曾道扶寄一阮亭維揚見懷之作卽次來韻

斜日雷塘秋雲閣。棧相思不設鴻溝。限紅橋水外玉人簫。青城巖下麻姑飯。驛路千盤情塗一線。秦山吹落平山雁。別時飛雪滿漁陽。夢來似絮縈淮岸。

臨江仙

南鎮

一曲鑑湖山色裏。秦皇此地曾遊。空濛宛委碧雲秋。千巖能競秀。萬壑自爭流。只有梅梁風雨夜。畫龍猶吼深湫。丹文綠字費尋蒐。繚垣水外寺。珠箔鏡中樓。

蝶戀花 離情

雨漲金塘紅意少。桂漿蘭橈人去長安道。燕子辭梁
鶯又老。雙眉誰畫留煩惱。長短亭前花不掃。臨水
登山半為情顛倒。閣淚恐將郎意攪。行時只說歸宜
早。

前調 舟過虎丘

月小山高閒縱步。磬裏鐘流。又值新涼度。人影如烟
花似霧。真娘遮斷生公路。數點峰巒呼不語。酒罷
歌殘。正是銷魂處。試問新愁添幾許。鷺鷥浴盡芙蓉

雨

前調 登浮陽鎖江樓

獨上層樓雲漫漫。遠望廬山。翠影橫霄漢。芳草斜陽
飛斷。雁誰人能識廬山面。凝盼東吳同疋練。飄泊
天涯。盡道離鄉賤。撥蘚尋碑看不見。總由他色絲黃
絹。

一剪梅 和漱玉詞

夾岸芙蓉乍霽秋。妾上菱舟。郎去蘭舟。淡烟芳艸路
千重。雁叫西樓。月湧南樓。九曲寒江曲曲流。未斷

名家詩
曩愁又起今愁書中兩字說加餐葉謝枝頭雨過城頭。

漁家傲 遣春

吹徹鸞簫春漸少。落花隨意飛來悄。惹得愁人心似
擣。何計好。夢爲蝴蝶香中老。開到荼蘼春事了。深
情猶戀東風小。昨歲韶華今歲討。纏懷抱。勾除春曆
無煩惱。

鳳啣盃

贈小妓鶯初

曉日新粧矜翠鈿。畫堂鸚鵡遶人目。背立怕生疎破。

瓜年幾羞迴面。將玉指撚金線。袖遮紅裙拖茜。慙
姿惠性橫波倩。情透黯無言。春風難鎖深深院。晴絲
裊處鶯囀。

行香子

旅中述懷

輕擲年華作客天涯。染緇塵久。旅忘家。無窮芳草。汗
漫星槎。恨漁舟笛。酒壚筑。戍樓笳。古驛晴沙。送盡
風花。立斜陽。暝樹栖鴉。不如歸去。臥對流霞。有雪中
芋霜餘橘。雨前茶。

金人捧露盤

首春客湖南

楚山重。楚風怨。楚江清。渡岳陽。雪擁雲橫。湘君山鬼。
靈旗縹緲。若爲情。昭潭嶽麓。有梅花影。帶春星。畫
中帆。樓中笛。沙中雁。雨中城。恰上元。火樹銀燈。采茶
連唱。呀羅紅粉。雜嬌聲。離騷一帙。客牕外。月過疎櫺。
舊苑宜春。正柳岸風柔。飄灑水。傍粧樓。嫩綠偏近。鈿
轂微黃。斜掛簾鈎。便是藏鴉掠燕。惹起新愁。飛花
飛絮。青門外。香雲香雨。玉河流。腰能舞。眼能秋。帶結
同心。尚早。絲牽遠恨。還留繫得。王孫歸意。芳艸池頭。

山亭柳

金魚池新柳

蕙蘭芳引

美人刺繡

柳絮飄殘。垂銀蒜。春風不度。檢幾幅。吳綾。鸚綠鵝黃。
新縷。愁腸已斷。好去續繒雲。絲雨記檀郎。舊日彩筆。
曾留花譜。鳳枕描雙鴛。衾畫對凝眸。無語便絕代。
針神繡出芳心。幾許經營。慘澹丹青。雜組笑傍人。輕
比迴文機杼。

滿江紅

經郢鄂呂翁祠相傳爲盧生黃梁夢處

千里風沙。行古道。停車落日。是何處。崔嵬碧宇。沁懷
動魄。將相平生。旅邸枕。詠諧半晌。蓬萊烏說。高樓時

有列仙居叢臺驛。吹笛者方外迹。披帷者夢中客。
望漳流潏潏。水天一色。殘奕山河。唐與宋。畫圖鐘鼎。
今同昔。笑人間富貴盡。盧家何曾識。

前調 與飲光亭彥南湖雨汎

柳雨荷風對數頃。湖光如練。記當日蘭亭修禊。觴歌
芳甸。公子西園臨玉樹。佳人南國遺金鈿。更從容人
靜夜珠來。清波濺。時事易。谷爲岸。繁華盡。花如霰。
問樓臺誰主。空梁語燕。烟市綺羅風物改。畫船簫鼓
雲山換。漫傷懷。白髮倚紅裙。君猶健。

滿庭芳

別恨

雛燕初飛。嬌鶯無語。滿庭花影苔痕。離思萬種。滴淚
漬湘裙。那更烟橫霧靄。王孫草到處。銷魂。河橋雨濕。
飄紅袖。別意近黃昏。匆匆小垂手。慵登翠閣。獨掩
朱門。問蘭橈去後。何日相聞。欲說情悰。一二沉吟似
隔暮山雲。十年夢依然。憔悴愁黛幾曾分。

鳳凰臺上憶吹簫

悼亡

玉折蘭摧。珠沉蕙歇。從來好事難留。正風宜蘋藻。星
許衾裯。記得征軺北去。分手處。忍淚凝眸。偏今日舊

巢○雛○燕○萬○種○新○愁○ 休○休○返○魂○香○杳○疑○人○間○天○上○未
隔○鴻○溝○聽○蟲○吟○蟹○語○夢○到○西○樓○多○少○離○情○欲○訴○猛○驚
覺○風○落○簾○鈎○傷○心○也○端○然○靜○好○瑟○侶○琴○儔○

雨中花慢 感舊

眉○萼○容○愁○唇○藥○留○艷○曾○逢○楚○玉○高○唐○正○雲○梳○晚○髻○星
的○晨○粧○茸○繡○春○衫○蝶○舞○平○頭○鞋○子○鴛○翔○似○牡○丹○經○雨
紅○潮○粉○暈○仔○細○端○詳○ 名○為○翡○翠○人○是○姬○姜○深○情○都
寄○翻○簧○度○芳○歲○玉○簫○緩○弄○蕙○炷○添○香○一○柱○一○絃○離○思
九○秋○九○結○廻○腸○黃○昏○凝○佇○風○微○畫○幔○月○過○銀○墻○

瑣○牕○寒 春情

蝶○破○晴○烟○燕○爭○落○絮○凝○眸○春○路○小○屋○桐○陰○坐○聽○流○鶯
碎○語○寶○釵○樓○上○舞○殘○紅○吳○牋○銀○粉○書○情○素○將○惜○香○心
事○梨○溶○棠○浸○向○天○公○訴○ 去○去○踏○青○處○朱○橋○新○綠○漲
雙○鱗○信○誤○歸○來○人○倦○空○印○軟○沙○芳○步○奈○東○風○不○管○閒
愁○好○夢○櫻○桃○枕○上○譜○待○醒○來○幾○樹○斜○陽○又○零○鐘○刺○鼓○

金○菊○對○芙○蓉 秋感和辛幼安重陽韻

銅○漏○聲○長○金○虬○燼○冷○玉○人○自○理○絲○桐○正○鷺○飛○北○渚○雁
叫○西○風○南○山○恰○對○東○籬○酒○數○岸○曲○萬○朵○芙○蓉○斜○陽○影○

裏○白○蘋○紅○蓼○露○濕○霜○濃○ 須信好景無窮歎春去秋
來○老○却○英○雄○儘○朱○顏○黃○土○千○古○悲○同○除○非○携○手○赤○松
子○丹○成○候○九○轉○從○容○騎○鸞○下○視○塵○埃○野○馬○午○夢○晨○鐘

念奴嬌

次飲光谿默訪妓韻

簾櫳午靜正荷香雨亂風翻碧葉小院闌干扉半掩
翠袖迎人猶怯絲鬢低垂腰支纖瘦欲語詞仍拙啼
粧怨粉眉尖忽聚如說歎息才子違時佳人薄命
在事成悲咽薄倖東風誰是主耳墜簪遺纓絕浴後
輕鬟夢餘滑箏總怕牽人捻淺憐深惜含情却怪蜂

蝶

木蘭花慢

寄內

江邊聊騁望芳草渡接橫塘正烟落孤帆雲迷遠岫
流水茫茫黃昏又催蓼雨恰蟲吟壞砌逼繩床可奈
離情如縷好秋長是他鄉遙知攬鏡怯新粧金鴨
冷添香况葉墜風簾螢飛露井鴻雁翱翔休提一襟
涼思縱憑欄何處見瀟湘憐我緇塵古道怎忘繡閣
斜陽

前調 上巳

春光看如許。又初試夾衣天。念贈芍采蘭。三月三日。數盡榆錢。黃鶯漫教春去。歎香消淚滴。度華年。葉葉柳絲。官渡雙雙。鴻瀟晴川。蘭亭修禊。倣前賢。象管叶鷓絃。正鳩婦啼紅。燕雛話綠。月冷鞦韆。空庭落花。似夢笑良辰。何事爲情牽。我自窄衫短帽。醉來芳草閒眠。

齊天樂 東風

東風初試垂陽閣。新晴畫闌花萼。龍沫旋薰。獸環乍掩。夢裏溫柔。依約長安烟月。儘翠煥珠嬌。自憐飄泊。

問酒旗亭。雙鬟唱出詞人作。文園難遣寂寞。歎頻移帶眼。情同天各。靈鵲無憑。絲蛛多誤。何限春愁。拋却迴文。屢寄憶瘦。損心情。腰圍柳弱。縹緲南雲。有挑燈舊諾。

花發沁園春

荆南除夕

巷帖新符。門拈春句。驚道相逢除夕。舊臘晴川。今冬灑水。倏忽重看黃曆。競走兒童。將斷鼓零鈺。娛客宛然。見太古遺風。不似年時韶色。重記垂髫。戲劇鬪竹。爆蓮燈。星光鳥奕。壓歲留錢。書聯滌硯。整頓詰朝。

遊履此日荆南班衣欲曳還于役小苑梅花應笑我
絳雪堂前岑寂

望海潮

中秋後三日錢塘觀潮

錢塘江上雷轟電裂雪山一片茫茫
擊鼓素車白馬成行衝浪試舩艖看千橈萬槳出沒
汪洋畫鷁鳴鼉射潮勁弩說鏐王遊人睨視蒼黃
漸瀾迴波息川色山光玳席啣盃朱輪鬪轂蛟門蜃
渚斜陽平地還成險便沙痕增減分得滄桑明日西
湖汎尋舫艤綺羅香

沁園春

錦鞋詞

金粟霞扶明珠星的羅襪餘春看斜纏綾素弓跌偏
窄初描繡譜鴛跡微勻過去簾前舞來掌上得印青
苔曉露痕銷魂也倩檀郎溫捻生拽芳心 遞餘蛺
蝶紗裙更占斷清歌按拍頻便寶釵樓裏一聲響細
鞦韆架底兩點紅侵步步生蓮彎彎似月雅稱腰身
不起塵蘭燈滅怕粘人香夢堯上些跟

白苧

閨情

絳蠟殘又擁出半輪明月鄰簫街鼓將一床香夢奪

名
家
詩
錄
長楊枝。畫簾影動。東風活。金管暖春纖。寫離情地長。
天濶。換羽移宮。流水高山欲咽。早安排。斷腸午夜寒
時節。淒切。樵樓更點。漸近鷄聲。東方將白。偏響丁
當簷鐵。却兩點星眸。雨漣波折。澆愁唯酒。奈愁多難
醉。金爐空爇。悵望前裙路。東城舊約。閒拋撇。枕上鴛
鴦。何事無離別。

錢爾斐

繼章

曰。青城詞綿延幽冶。秀色撩人。其爲

排蕩雄奇。驚魂奪目。文心之妙。真有與蜀中山
川形勝相似者。近世填詞家。不曰秦柳。則曰辛
劉。然琢句妍麗者。往往不協于律。而考律精核
者。又尠自然之趣。求其匠心獨裁。體兼衆製。如
青城者。未之見也。青城發源岷嶓。爲道書第五
洞天。今以名詞。不忘蜀也。

曹秋嶽

溶

曰。溫麗者古人之醞藉。踈放者後習之

輕佻。非漫以周秦辛陸論也。先生留心名理。不

名家詩金
尚浮華每於花落酒闌吐言成妙本以嘯歌爲
適非矜字句之妍。讀者當知先生集聲教之大
成於一唱三嘆之間得之不可以溫麗踈放限
之也

名家詞鈔目錄

廬陵 聶先 晉人

長水 曾王孫 道扶

纂定

螺舟綺語

雲間 王頊齡 瑁湖

搗練子 望江南 三調

如夢令 長相思 二調

點絳脣 二調 浣溪紗

卜算子 八調 清平樂

眼兒媚

少年遊

南歌子

鷓鴣天

四調

玉樓春

二調

虞美人

踏莎行

臨江僊

鳳棲梧

三調

漁家傲

風入松

御街行

驀山溪

滿江紅

三調

燭影搖紅

醉蓬萊

桂枝香

齊天樂

瑤花

金縷曲

沁園春

賀新涼

螺舟綺語

合蘭雪詞

雲間

王頊齡

瑁湖

搗練子

春閨

風料峭。草離披。春色惜騰眼。色迷起來穩。步嬌無力。寄語東風。不耐吹。

望江南

悼妓桐月和韻

江南月初起。便宜看玉面。夜涼疑著粉。春山淡畫却。彎環不道隔人間。

前調

江南月三五正團圓。光似琉璃清似水。夜深移上小屏山。遮莫舊時顏。

前調

江南月。黯淡自今年。一片曉雲遮不住。照人無寐落天邊。何日更重圓。

如夢令

春閨

窓外一聲啼鳥。紅日映簾春曉。想起舊時人。悔把夢兒草草煩惱。煩惱。一點爐烟細裊。

長相思

舟行

雨初晴。草初青。野塘水漲碧波平。漁床曉掛罾。酒懶傾。詩懶評。蒲帆一幅往來輕。春風半日程。

前調

孤館

風。淒淒雨。淒淒徹。夜愁人聽未稀。前村聞曙雞。花飛飛。柳依依。惆悵春歸人未歸。落紅漸漸微。

點絳脣

春閨

日暖風和滿園桃杏都開。一聲啼鳥愁入眉尖小。斗捲珠簾。極目春光老。長亭道馬嘶殘照。十里青。青草。

前調

一枕陽臺樓頭春色知多少。隔花黃鳥啼破紗窗曉。燕子雙雙只是魚書杳。斜陽道。清明又到愁殺宜男草。

浣溪紗 春夜雨

簾外蕭蕭暮雨寒。分明滴瀝惱孤眠。獸香消盡夜如年。浪蕩春光能有幾。折磨花事更多般。不知郎意怎生憐。

卜算子 柳綠

生長近池塘。搖颺空中舞。欲縮同心待曉風。搓就黃金縷。拂地有長條。寂寞誰為主。憔悴當年張緒姿。不向靈和住。

前調 榆錢

天上白榆錢。落葉成阿堵。草木緣何字孔方。世道應非古。嘉樹化青蚨。花塢爲金塢。羞澁空存趙壹囊。吾不如老圃。

前調 蓴絲

家住五湖東。湖面清香起。脆白蓴絲滑素匙。歸夢隨

江水發興爲秋風。且摘盤中旨。細嚼瓊芽齒。頰香何必官家賜。

前調 竹粉

峭舊更亭亭。蔽日檀欒影。真色從來難悅人。須著些兒粉。問訊竹平安。翠色浮千頃。豈是湘娥素臂垂。玉屑霏霏襯。

前調 苔衣

梅雨積三春。綠遍窓前地。穩襯羊家靜。婉腰不待瓊瑜戲。金井淨無埃。輕印纖纖趾。軟襪誰聞響。屣聲。

步步蓮生矣

前調 芝蓋

羽葆自葳蕤。瑞草團成幔。衣紫衣黃道。貌清來自商山畔。五采色氤氳。高蓋三重爛。也有人間鹵簿陳。官樣山人面。

前調 秧針

渺渺水田衣。三月春光遍。萬井青苗一色裁。疑是針神現。少婦上層樓。稻隴和風扇。布穀還如刺繡人。乞巧天孫線。

前調

荷珠

荷蓋雨新晴。蕩漾盤中瀉。疑是天公戲雨珠。神女初來也。性不染汗泥。魚目誰能假。徑寸如何滄海遺。淚滿鮫人把。

清平樂

春暮

寂寥深院門掩春光短。依舊楊花如雪亂。別却東風一半。閒庭獨立移時玉。釵斜挽花枝。驚起多情雙蝶。飛來飛去相隨。

眼兒媚

春閨

梅花庭院暗香浮。依約舊風流。銷魂何處。月移金井。人醉高樓。韶華轉眼成虛度。寂莫不禁愁。幾分春色。無邊心事。聽與眉頭。

少年遊

晚晴

霎時疎雨潤花房。小徑踏空香。淡雲拖處。玉虹界斷。返照一溪黃。珠簾半捲遙天碧。無限意立斜陽。十。二烟鬟黛螺青。滴新試晚來粧。

南歌子

春閨

柳樹重陰綠。桃花爛熳開。困人天氣倚粧臺。多少閒。

情無語怕人猜。紫燕雙雙舞。啼鶯處處催。從今休更踏青來。任是落紅飛去。趁蒼苔。

鷓鴣天

初夏和林定遠韻四首

小院迴廊碧樹重。薔薇開盡間殘紅。無端香透疎簾裏。一樹山礬罨雨濃。憑石几。面湖峰。朱魚戲水撇波空。新茶初試山泉熟。一縷輕烟颺午風。

前調

芍藥新開三兩叢。雨肥香瘦睡東風。今朝霽色林間射。花性渾宜薄日烘。推素幌。捲簾櫳。一枝深映綠

窓紅。日長無事能排遣。小鳥鞦韆畫閣東。

前調

綠染池塘葍繡苔。青青蒲劍映荷胎。黃鸝妬客穿花去。翡翠銜魚掠水迴。湘簾展。水亭開。棋枰移向竹間排。輕雷隱隱雲成陣。知是前村作雨來。

前調

隴上風清麥秀齊。秋田渺渺水雲低。桑陰少婦提筐立。布穀聲遲日乍西。乘小艇。溯洄溪。棹歌輕唱竹枝歸。中流風起菰蒲亂。水國漁村一望迷。

玉樓春 立春

柳枝已被東風軟。殘雪勒梅梅尚懶。疎香冷艷最宜人。生怕繁花能困眼。玉纖青韭銀刀剪。綵勝貽來雲鬢顛。煖房烘得水仙開。小篆烏絲閒自遣。

前調 秋夜

遊人愛惜江南月。珠露清霜花底滑。癡情祇望影團圓。不信天邊有燧缺。小樓一夜秋風發。吹老黃花無數折。銀河淡淡斗微橫。獨倚畫欄聽落葉。

虞美人 閨思

窓前月色明如晝。獨坐愁依舊。雁門消息總沉沉。直是那年別後到如今。闌干倚徧無從訴。望斷天涯路。淒涼時候正三更。又被燈花侮弄太無情。

踏莎行 寄友

雲黯長亭。花晴客館。一身飄泊誰人管。多情惟有月娟娟。黃昏幾度窓前伴。偶夢還醒。輕寒乍暖。鄉心千里衣寬緩。却從香徑散春愁。春愁又被啼鶯喚。

臨江僊 贈翮鴻校書

暇日同人時載酒。凌波仙子初逢。翩然洛浦見驚鴻。

錦屏圍軟玉。秋水濯芙蓉。潦倒重尋花下約。泰孃
風格從容飛觴。不惜醉千鍾。黛眉凝淺翠。霞頰映深
紅。

鳳棲梧 次韻答林定遠

漠漠江天烟樹隔。河朔尊罍。無計追裘屐。脩竹高梧
何處碧雲。山遮斷林逋宅。 凭徧闌干愁日夕。求仲
不來三徑。蒼苔積銀燭。挑殘簷溜滴。把君詩句消岑
寂。

前調 佳人

畫閣佳人春起早。窓外梅花。粧點晴光好。白白紅紅
真窈窕。臨風欲折回頭笑。 綠水池塘閒自繞。蝶粉
蜂黃說與誰知道。小鳥鈞輶人更悄。花枝一任東風
裊。

前調 春情

臉樣天桃眉樣柳。膩暖輕寒。厮釀清明候。嫩綠新紅
春未透。丁香一顆相思豆。 憶得三春時。載酒醉舞
風流肯落楊妃後。對面巫山今在否。一宵風雨花鋪
繡。

蝶戀花 秋閨怨

蟋蟀聲中涼意早。茉莉開殘，梳裹新粧小。碧簾紗厨
人悄悄。孤眠差殺韓憑鳥。雨打枯荷露落棗。夏去
秋來，只有儂知道。望斷歸帆天際杳。一行雁字西風
巧。

風入松

禹服徠遠，席贈妓鶯初和，張硯銘作

良宵三五，醉華筵，翠袖金鈿。藏鈎猜馬，猥紅遍，風情
都在眉尖。剪剪青絲覆額，剛剛鬢髮齊肩。榴花半
吐，柳三眠清逸，堂前。殷勤玉手傳杯意，更妖嬈酒暈

微添。端的風流誰似。正碧玉破瓜年。

御街行

題郭河陽秋山行旅圖

秋山木落，楓林赤。衰草粘天白。半擔行李，度斜陽孤
雁數聲，嘹唳霜清禾黍。風盤鸛鶴，慘慘愁雲塞。人
家一帶炊烟直。野岸漁舟集。異鄉風物，况逢秋王粲
登樓心恻。不如歸去，科頭箕踞，高枕看山色。

驀山溪

登放生池莫莫樓分賦

柳綿吹盡，榴吐紅巾皺。高閣架層陰。儘流連鶯儔燕
偶。僧雛粥鼓，梵唄更清幽。旛捲繡香噴獸。晝滴蓮花

漏。故鄉此際麥隴家家秀。池面漾荷錢綠陰中櫻。桃如口風光似此。底事不能歸。沙撲袖塵盈斗千里。空搔首。

滿江紅

季夏將返雲間蘋村先生念其觸熱長途為賦二闕相留遂不果行敬步原韻志謝

六月燕山看滾滾黃塵將發空辜負歐陽水鑑才非。軾轍問字每親楊子席傳經轉憶程門雪記追隨杖履出西郊清和月。人婉變花鬢看塞馬誰伸屈。嘆蠅頭蝸角任他奔突薄命難窺蓬閣秘還家自有

名山業但啣花無地報師恩添華髮

前調

觸熱奚辭念堂上雙親白髮任袞袞紆青拖紫黃扉玉闕簪筆無由追曼倩躬耕漫擬師諸葛待遽然夢覺北窓時何如蝶。奈虛度炎歊節傷留滯草間活。笑奚囊空貯秦碑晉帖逃暑且為河朔飲調冰快嚼并州雪怎能消長夏日如年書蕉葉。

前調

冬日葆飭訪予南村有事詩餘之選下索里語入集賦此志謝

老雨孤村終日似蝸牛粘壁屈指數平生舊雨誰追

車笠門外忽傳車騎至。天南應奏真人集。媿整人鷄
黍未能將歸帆急。論樂府宮商。覈談雅調。淫蛙斥
喜吾生重見開元詞客。才子新翻紅豈曲。美人爭按
涼州拍。更殷勤。郢匠采巴音。中郎笛。

燭影搖紅

賀卜定之新婚

孔雀屏前。畫眉初試才郎筆。芳菲桃李鬪春妍。之子
于歸日。應是藍橋初遇。聽和鳴。絃調錦瑟。門闌喜氣。
跨鳳乘龍。東床嬌客。花燭輝煌。合歡杯注瓊漿液。
翠鈿玉鏡。洵良緣。天上雙飛翼。試問今宵何夕。喜團

樂光生瑤席。關雎賦後。麟趾吟成。斯男則百。

醉蓬萊

贈高憺人學士

羨承明嚴馬。文藻風流。對揚稱旨。香案傍邊。看揮毫
落紙。十樣鸞箋。龍蛇飛舞。覩天顏有喜。蓮炬頻移。天
街月滿。侍臣歸矣。賜第新開。遙連上苑。咫尺黃扉。
承恩無比。陪宴柏梁。扈長揚。鞭弭酒酌葡萄。杯擎七
寶。不數清平李。拜捧宸章。從容賡和。君臣魚水。

桂枝香

春感

樓頭春暖。聽新燕雛鶯。嬌聲乍囀。無數悶懷堆積。書

籥懶展海棠初謝。隨風捲漾晴空。遊絲弔轉亂紅鋪。
錦濃陰。罨翠倩誰人管。念舊日風流緣淺。沈郎憔悴。
羅衣寬緩。把酒憑高目斷。青山幾點斜陽。一帶平蕪。
遠看繁華陌上。應遍柳枝低處。吳蠶浴罷。繡簾春晚。

齊天樂

閩上已借宋牧仲曹升六葉元禮高二鮑柯寓匏路湘舞遊安祖園分賦

一絲春色千般作。聽到鶯啼燕語。草妬衰腰。花欺人面。又惹柳眉青嫵。招同勝侶。竝跨馬城南。來尋韋杜。樹古臺平。劉郎舊日曾遊處。良辰忍教虛負。算今

春笑齒。這回方露茗鬪旗槍。觴浮玉蟻。竟日流連。忘暮。隔林花。淑再添箇魚鬢。着些柔艣。便似江南。一烟波釣所。

瑤花

賦得雨中白丁香

姍姍玉骨。行雨初回。住水晶宮闕。東風料峭。吹不散。千種閒愁如纈。輕彈珠淚。被粉翅濕粘。飛蝶想廣寒舞罷。霓裳瘦影。倦飄香雪。低徊斜拂。闌干似賜浴。華清嬌盈。啼靨水肌。約綽舒皓腕。偷縮同心雙結。瑤臺玉砌。差印得湘妃寶屐。到晚來。同夢梨花。一樣澹。

粧輕抹

金縷曲

賦得古來才命兩相妨

造化真如墨。嘆多少高才薄命。風塵偏側。難道天工
慳富貴。都是聲名相厄。漫錯怪。老天無識。李蔡封侯
偏及早。笑將軍猿臂。曾何益。無限恨。搥車壁。吾生
幸有才盈石。文章憎命達。却悔送窮無策。把筆硯燒
殘。塞責。奈結習未能忘。得拚却子雲長寂。莫管花生
爛熳。江郎筆。千古事。誰豐嗇。

沁園春

題大司農梁先生孔釋抱送圖

佳氣充間。筵開湯餅。門設桑弧。似謝公庭下。齊肩兩
鳳。韋卿掌上。照眼雙珠。試聽啼聲。知非凡器。應是公
家千里駒。更何羨。那瑤環竝美。棣萼同敷。履聲遙
下。雲衢喜字識之。無夙慧殊。便僧彌法護。風流兢爽。
封胡遏末。譽望齊驅。史祝多男。詩歌百福。玉燕黃龜
夢屢符。真樂事。看君恩方渥。家慶堪娛。

賀新涼

在陽王先生招同人重遊中頂觀荷

池上清無暑。記去年片雲初黑。荷香乍吐。電抹年華
驚夏半。花貌臨風欲語。這好景誰人領取。共挽籃輿

重到此。美風流。河朔羣賢聚。傾碧盃。酒如乳。瓊箋
手劈分題賦。喜先生吟風弄月。隨時應付。天籟何須
絲竹競。鼓吹青蛙兩部。任賞遍鴨闌花塢。歸路玉駟
銀鬣。爽看白雲一縷。峰腰補笑止。有青山古。

董蒼水

俞

曰。王子顓士。文筆奪班楊之席。詩歌登

王孟之堂。出其緒餘。標爲綺語。含商吐徵。動魄
驚魂。固已駕柳軼秦。豈特攀溫絜韋。兼之門第
高華。庭闈掩映。詢淮水之家聲。父爲逸少。擅康
樂之詞藻。弟乃惠連。汝南著二應之名。東海籍
三何之譽。鄒枚而爲棣萼。著述同堂。機雲而契
金蘭。風華接武。江花謝艸。皆成螿白之詞。楚峽
秦樓。盡譜旗亭之句。

丁葯園

澎

曰。金粟謂近日詩餘。雲間極盛。但能作

名家詞錄
景語不能作情語。蓉渡謂景語多情語少。同是一病。但言情至色飛神動處。乃能于無景中着景。此意亦近人所未解。鬢淵謂螺舟解此意以製詞。所以妙絕古今。選螺舟詞者。解此意以選調。即起李晏周秦而譜新聲。于以引商刻羽。騁妍抽秘。罔弗協也。又何情與景之偏病歟。

名家詞鈔目錄

廬陵 聶先 晉人

纂定

長水 曾王孫 道扶

松溪詩餘

雲間 王九齡 子武

菩薩蠻 清平樂 二調

憶秦娥 畫堂春

柳稍青 南歌子 二調

南鄉子 臨江仙 三調

一剪梅

蝶戀花 二調

蘇幕遮

滿江紅 四調

玉漏遲

滿庭芳

念奴嬌 二調

水龍吟

賀新涼

松溪詩餘

雲間 王九齡 子武

菩薩蠻 春閨

垂楊深院輕煙鎖。海棠睡醒春無那。一枕負鴛衾。綠窗花正深。廉纖日暮雨。何處黃鶯語。陣陣晚風涼。梨花歷亂香。

清平樂

殘春何處不伴愁人住。已是韶光容易去。一霎催花細雨。無端柳暗高樓。多情燕落簾鉤。捱過春風幾

度空憐白了人頭。

前調 閨怨

把簾鈎上。免得風敲響。柳葉顰眉空悵望。也做相思模樣。愁看新月彎環。鵲橋屈指重歡。盼殺一年一夜。天涯何事人間。

憶秦娥 歸途偶感

強獨酌酒。酣暫覓華胥樂。華胥樂閒愁未斷。夢魂偏惡。良朋共訂看花約。歸心日夜憂耽閣。憂耽閣。布帆纔挂。石尤風作。

畫堂春 舟中感懷

擔簦客歲。走天涯。抽毫夢想雲霞。懷中尺璧。向誰誇。腸斷京華。且借片帆歸去。南山薄有桑麻。一春何事。困塵沙。辜負梅花。

柳稍青 秋感

容顏憔悴。狂夫只道是長依舊。一盞寒燈。半牀溫被。要人消受。莫教輕鎖雙蛾。別緒儘將眉黛守。舊恨春添。新愁秋結。算誰顰皺。

南歌子 春閨

日暮東風急。無聊獨掩扉。不堪寂寞守孤幃。又被黃鶯啼送落花飛。好景憐虛設。憑欄淚滿衣。垂楊何事綠依依。縱有長條無計繫春歸。

前調 懷春

淺黛誰堪畫。輕妝別處新。羅衫剩有舊啼痕。灑作陽臺過雨伴行雲。竊約非無徑。妝羞半掩門。桃源消息幾時真。但見桃花一朵恰逢春。

南鄉子 憶青青

策馬帝京遙。風捲黃塵十丈高。山店驀逢人似玉。苗

條。着雨花枝分外嬌。回首欲魂銷。想像朱門弄玉。簫幽恨滿懷。何處寫滔滔。千里春江滾暮潮。

臨江憶 憶親

行人水驛孤帆宿。荒原景物淒涼。江流渺渺月茫茫。更闌燈半滅。有夢到高堂。喜見雙親扶杖出。依稀鬢髮如霜。牽衣嗚咽話偏長。覺來渾不省。欹枕費思量。

前調 憶家園

我有敝廬滄海畔。門前幾樹垂楊。歸時散髮傲羲皇。

畫簾嬌燕語。水閣藕花香。自分名居驃騎上。讀書
何事巖廊。此生得失任行藏。閒。援丘壑。趣堪笑。馬蹄
忙。

前調 贈翻鴻較書

自笑年來春夢斷。風前忽遇傾城。相看何處最娉婷。
眼波秋水綠。眉黛曉山青。惆悵匆匆分手去。思量
無那多情。城頭玉漏近三更。酒醒人不寐。窗外月微
明。

一剪梅 賀友納姬

十月春風滿洞房。曲奏鸞凰。調叶笙簧。問誰僥倖入
儒鄉。不是漁郎。合是劉郎。絕世風流想泰娘。柳樣
眉長。宮樣新妝。巫山巫峽在何方。悵設鴛鴦。被擁鴛
鴦。

蝶戀花 秋怨

閒抱濃愁誰作伴。嬾挂銀鈎。煙雨和簾捲。愛看荷花
風落瓣。蓮心滴破絲難斷。日暮香消秋色淺。整頓
寒裝。織錦金刀剪。莫遣夜長針線短。征衫冷落霜華
滿。

名家詩金
前調 新秋

曲檻迴廊深院遶。門掩垂楊。斗帳愁多少。欹枕夢回。
人悄悄。紗窗頻喚。枝頭鳥。水漲一池荷葉小。幾樹
殘陽。斷續晴絲。裊却怪安排。秋色早。曠脂妝點。西風
巧。

蘇幕遮 覽鏡

愛雕龍。思吐鳳。一卷詩書。竟把青春送。攬鏡自憐還
自痛。華髮無根。總是窮愁種。火雲燒。冰雪凍。奔走
風塵。回首真成夢。苦海瀰漫。仙路迴。快志何年。常被

天公弄。

滿江紅 冬日邨居葆齋過訪

總角雞壇。記高會曾論金石。轉眼處。風流星散。舊遊
蕭瑟。簪筆君爲廊廟器。飄蓬余作林泉客。歎百年。王
貢判雲泥。青衫濕。松溪曲。煙霞宅。鷗鷺起。仙槎入。
奈劇談未幾。挽留難得。千斛徒看邨酒綠。片帆纔挂
江天黑。縱闌干。倚遍。費長吟。空相憶。

前調 戲贈同年醇叔兄

有美人兮。天付與玉容脩整。想丰姿。柳絲風軟。海棠

睡醒問渡。曾愁銀漢濶。攀花爭得東君肯。羨王郎何
意入仙源。真僥倖。心醉處。鴛鴦頸。盼望裏。團團影。
奈驪歌忽唱。煙消香冷。繡被夢中雲雨散。孤篷眼底
家山近。怕春光漏洩。與香閨常思省。

前調 送霍南廷試入都

風雨西窗。記舊日高談經史。笑十載匏瓜長繫。惟吾
與爾射虎將軍空健手。綸巾諸葛真名士。指五湖一
片錦帆開。離歌起。壯游處。長安里。珠璣吐。金門裏。
想凌雲稱嘆漢家天子。快意頻呼燕市酒。論交時倒

公卿屣。看層霄健翮待扶搖。從茲始。

前調 送沈子凡廷試

藉甚休文。羨山斗聲名嶽嶽。忝不佞忘年交結。追隨
同學。作客共移江上舫。開樽曾對榴花酌。歎韶華回
首。付東流。還如昨。絲綸布。恩波渥。青驄駕。黃金絡。
似當年。二陸遨遊京洛。身到天門。瞻日月。風生彩筆。
傾臺閣。念故人。寂寞釣寒潭。長搖落。

玉漏遲 初寒夜坐

迢遙夏漏永。重門深掩。虛堂清絕。寥落荒村。聽得風

鳴蛩咽悶坐無聊。無奈燭花儘。茶煙將歇。真淒切。數
枝殘菊。一簾新月。孤鴻嘹唳南來。念蘄北。征人分
飛。天末暖閣生寒。何況燕山早雪。回首長亭折柳。又
却是經年離別。腸百結。夢斷鳳池波濶。

滿庭芳

後山招同人集醉白池

籬菊舒黃。霜林染赤。良辰高會群賢。亭臺新構。攜手
共憑欄。眼底銀塘一片。迴廊外。翠竹千竿。風過處。清
香滿座。雨打桂花殘。開尊當日夕。珍饈羅列。水閣
燈然。聽昏鴉競噪。蓮漏頻傳。嵇阮風流。堪繼。看不盡

倒玉斝。山從今後。年年此際。沉醉辟疆園。

念奴嬌

春申礪懷古

三千珠履。幾千年。畱得王孫芳艸。幽澗寒泉。鳴澗底。
石上苔花如掃。華屋山丘。英雄涕淚。種菜人空老。登
臨極目。一塢白雲縹緲。漫說今古興亡。誰家臺榭。
處處聞啼鳥。遙想棘門流血處。不聽朱英討早。目下
牛羊波翻鷗鷺。倚檻空憑弔。詩狂酒病。幾回搔首。長
嘯。

前調

閨怨

桃花吹盡病懨懨。又過清明天氣。輕下珠簾。休放那
燕子。啣花飛去。十里情光。一尊美酒。不解相思處。長
亭風細。綠楊空自。空自。無奈芳草萋萋。危欄獨倚。
目斷王孫路。畢竟韶光留不住。空有黃鶯如許。寄語
東君。春歸難覓。尋取春分付。只因春到新愁。添却無
數。

水龍吟

八月十八葆飭招同人出浦觀潮

煙波千尺無邊。江干日午。蘭橈發。空林木落。桂花香
透。中秋時節。滿座高朋。銀絲作鱠。金尊初熱。望春申

浦上怒潮。迅湧百尺。飛濤如雪。

痛飲能消塊壘。更

休談干戈離別。雙鬟綽約。含羞一曲。暈紅兩頰。興盡
歸來。夕陽西下。亂蛩聲咽。奈勝游難得。最牽情處。笙
歌明月。

賀新涼

憶內

薄命真如葉。想深閨。春風三載。幾番離別。雞肋微名
難割捨。多少南轅北轍。曾埋首。引錐流血。伴我苦吟
燈火夜。細穿針。共對西窗。月四壁。靜漏聲徹。去年
霜落。征車發。叮嚀道。韶光易邁。宮花早折。伯仲當時

名家詞金
爭逐鹿。今日雄雌須決。更應念高堂白髮。月旦誰知。
明鏡少恨。妍媸顛倒。何由說愁無奈。腸千結。

徐果亭 秉義曰。子武宦木天。日取左國子史諸書。
手翻掌錄。蓋真能千古自命者。詞雖餘技。亦不
讓淮海眉山。獨擅酒旗歌板也。

吳園次 綺曰。松溪早負盛名。而神姿清瑩。宛若神
仙。田髴淵謂其丰神玉立。秀外惠中。在棣萼間。
實子猷之於子敬。僧虔之於僧綽矣。今見其填
詞妙麗。有倚琪樹而愧蒹葭。掣鯨魚而嘲翡翠
之致。

聶晉人 先曰。子武先生。詞妍而不佻。艷而不褻。此

關雎之好色。非采蘭贈芍可擬。

山田蕙賦。謂其丰而王立。冬小。三身。其

吳園穴。日外。早負。益谷而。轉安。書。或。昔。而。

籍。非。或。冒。山。獸。獸。獸。獸。獸。獸。

丰。騰。掌。維。蓋。真。前。千。古。自。命。許。隨。雖。翁。其。亦。不。

斜。果。亭。乘。弄。日。千。左。留。木。天。日。如。式。因。十。出。龍。書。

名家詞鈔目錄

廬陵 聶先 晉人

長水 曾王孫 道扶

纂定

映竹軒詞

遂安 毛際可 會侯

浣溪紗

減水木蘭花 三調

卜算子

謁金門

清平樂 四調

眼兒媚

朝中措

海棠春

南鄉子

鵲橋仙

踏莎行

蝶戀花 二調

蘇幕遮

青玉案

東風齊着力

滿江紅 三調

鳳凰臺上憶吹簫

水調歌頭 二調

金菊對芙蓉

念奴嬌 四調

木蘭花慢

水龍吟

綺羅香

沁園春

金縷曲

映竹軒詞

遂安

毛際可

會侯

浣溪沙

雪夜

不夜簾垂寶篆銷。辟寒釵插鈿珠搖。凝冰脂水倩郎調。風定鶴巢飄碎羽。夜深鮫室剪生綃。梅花誰伴可憐宵。

減字木蘭花

早梅

晚煙似墨數點乍浮窗外白。誰扣簾櫳小試熏桃染。柳風折來閒嗅。香束膽瓶清影瘦。天意衝寒想到。

調羹齒已酸。

前調

寄懷王丹麓

伊人何處。淡柳書房臨北渚。十載幽懷。倒屣爭傳王粲來。珊瑚作架。綵筆雞林應長價。獨繭抽絲。嫋嫋新聲譜竹枝。

前調

閨情

描花無力。可奈小姑催夜織。懶掠雙鬟。亂髮垂垂壓遠山。不眠况味。及到高春扶未起。誰信征鴻。客歲書來又一冬。

卜算子

別諸虎男

幾日送春歸。飄盡簷前絮。惱亂遊絲百尺長。難挽遊人住。君定倚層樓。極目前山路。煙外疑余尚泊舟。却向禾中去。

謁金門

夏閨

雛燕轉。雨過綠槐如染。小徑行來蓮印淺。新苔添數點。簾上鰕鬚半捲。甌內鳳團初碾。瞥見檀郎還覩。覘衫輕微露腕。

清平樂

春思

催春去也。不放些兒假。縱使將春闌住者。無奈牡丹
都謝。閒愁對鏡難忘。臨池試照新粧。同是水中人
影。去年還自雙雙。

前調 冬夜穉黃兄宅聽新歌作

霜寒如許。燭燄紅偏吐。預借春光來作主。聽得輕鶯
雙語。新詞幽恨無涯。聲聲顫落榠花。我欲徘徊起
舞。漫教淚溼琵琶。

前調 鄒黎眉畫花鳥見貽

邊生往矣。花鳥誰驅使。粉抹脂塗安足擬。更把墨痕

都洗。畫圖何處曾披。依稀記得年時。似在東風庭
院。枝頭打起黃鸝。

前調 春愁

落花時節。和淚飄紅雪。畢竟淚流無斷絕。不似飛花
先歇。春愁百計難醫。醫時怕笑情癡。除是花長不
謝。與郎同撚花枝。

眼兒嬌 別緒

蛾眉誰不鬪嬋娟。若箇似卿妍。粧成自許。除非鏡裏
或是池邊。無端忽作經年別。腸斷寄來牋。愁心訴

與霜天寒角。雨夜啼鵲。

朝中措 送徐華徵姪婿

新詞三疊唱陽關。別淚灑衣斑。辜負一湖春色，征鞭遙指長安。壯年行樂，紅樓玉枕，紫陌金丸。須記謝庭賦雪，歸來莫待冬殘。

海棠春 相思鳥

文禽宛頸稱仇匹。那忍便暫時相失。離恨此間無。妒殺鷓鴣翼。佳人何事傷心臆。却一見粧痕暗溼。恐礙合歡時。更教籠寬織。

南鄉子

雨過石梁橋感懷

宿霧黯難收。初夏涼生似晚秋。客淚青衫原自滴。無休。細雨還添一倍流。少壯漫回頭。上苑花開與勝遊。廿載升沈猶故我。悠悠。却羨漁蓑片葉舟。

鵲橋仙 晚浴

青絲半挽。羅襦乍解。恰趁房櫳初靜。何須豆蔻煮湯。溫。羨粉汗微微香凝。芭蕉滴雨。梧桐翻露。窗外似來人影。喚回小玉。自垂簾。恐費卻檀郎金餅。

踏莎行 衰柳

露冷霜欺。輕黃欲墜。楚腰不似當時麗。向來嬌嬾。帶
三眠。今朝一味。瞢騰睡。數點寒鴉。代予愁思。似云
華髮人如此。擬將情淚。潤枯條。六橋盡是傷心地。

蝶戀花 別王丹麓

馬迹車塵何日了。不分啼鴉。只解催歸好。楊柳條長
飛絮少。離情一夕和春攪。北墅高樓芳樹杪。愁唱
驪歌。酒罷天初曉。頃刻杭州煙渺渺。回頭殘月如燈
小。

前調 言愁

桂魄淒涼寒玉宇。顧影無膠。影也添淒楚。為月不眠
情更苦。明宵願下廉纖雨。待欲銷愁斟綠醕。酒盡
愁生。畢竟愁為主。天上寄愁愁可去。天孫正別銀河
渚。

蘇幕遮 閨情

蚤春天。連雨夜。欲寄征衣。幾度裁還罷。肥瘦近來無
定也。前歲相偎記。妾腰微窄。寶鍼連金斗。研短尺
機頭。襯上生香帕。一色縫成全沒罅。只有啼痕點點
應難化。

青玉案 冬閨

彈箏銀甲寒初卸。始覺得孤眠乍。靜裏更籌都數下。司天無準。雞人貪睡。竟把年成夜。梅花幾日開還謝。酒汎屠蘇爲誰把。兩地情悰全沒假。昨宵書到。小姑偷看。說向人前怕。

東風齊着力 送徐武令北上

桃萼辭紅。萼絲凝碧。節近清和。武林門外。風便向嘉禾。故遣鬢徐北去。西陵社意况消磨。陽關唱。聲遲三疊。暫爾延俄。燕市近如何。酒人內能尋幾個。荆軻

悲歌慷慨。誰共醉顏酡。我亦依劉數載。因君別喚起。愁多。淡秋後。無憑音問。寄雁來麼。

滿江紅 催菊

菊過重陽。人都道秋香將歇。怪此歲黃花作態。尚含嬌怯。冷蓼素蘋隨逝水。芙蓉又被霜催折。歎無端爽了。隔年期。飛黃蜨。看花眼。凝望切。天工意。憑誰說。想因余愁病。另留佳節。縱有白衣能致酒。東籬空對。青青葉。遶荒園。除是報君知。明晨發。

前調 過王丹麓霞舉堂讀峽流詞有贈

讀罷新詞掩卷後。濤聲猶怒似縮取瞿塘萬里湧流。
毫素巫峽巫山雲似錦。垂楊垂柳春如霧。論風流不
減楚臣才。高唐賦。居近市山林趣。堂帶郭烟霞聚。
更簷淋漓盡。梅英初吐。白社誰知歸計好。青鞵自悔
浮名誤。怕重來花下問漁舟。迷歸路。

前調 夜過釣臺地近臯羽墓

日暮孤征。新綠遍小洲。芳杜湖急瀨頻催兩槳。富春
東路。七里澄光天共水。客星倒挂懸崖樹。更休云物
色爲羊裘。虛名誤。雲臺彥羞漁父。銅柱績驚鷗侶。

任帝增於往。狂奴如故。傲骨誰能官諫議。流風尚自
矜厨。顧問溪西清節。有誰鄰。高人墓。

鳳凰臺上憶吹簫 咏美人彈琴

榴藥紅新。桐陰綠遍。雙成謫下瓊樓。看斜揜羅袖。素
腕輕柔。厭殺秦箏羌笛。都付與搵粉虞侯。深宵後。音
調律呂。玉軫頻抽。嬌羞對人不語。只微吟淺綽。密
意相兜。問盈盈四座。誰博雙眸。知我客愁堆積。故彈
作宋玉悲秋。從今別。七條長線。繫着心頭。

水調歌頭 贈吳天章

寒氣颯然至。晴色照冰河。紛紛車馬闐咽。懷刺獨延
俄。不信長安道上。一味行踪。歷落如我與君。多得酒
且為樂。明日又重過。新句好。君偃卧。我吟哦。老拳
按拍。何須還付雪兒歌。忽爾金戈鐵馬。無論亂頭粗
服。格律薄元和。李白夜臺起。餘子幾人麼。

前調 過虞姬墓

日○暮○漢○兵○合○決○絕○意○如○何○惜○龍○泉○劍○三○尺○頸○血○濺○春
羅○莫○道○拔○山○力○盡○尚○有○閨○中○俠○氣○凜○凜○未○消○磨○明○日
烏○江○渡○爭○似○此○時○麼○一○杯○土○千○古○在○我○重○過○斜○陽

影○裏○欲○尋○殘○碣○更○摩○抄○不○比○長○陵○妖○后○追○逐○重○瞳○軍
內○為○質○歲○時○多○原○上○英○靈○草○起○舞○為○誰○謔○

金菊對芙蓉 贈顧修來吏部

花○欲○飄○茵○柳○將○墜○絮○韶○光○幾○日○東○風○正○賓○朋○寥○落○屐
齒○塵○封○多○時○趵○突○泉○邊○過○嘆○獨○遊○吟○興○全○慵○無○端○憑
弔○當○年○盛○事○白○雪○樓○中○豈○意○此○地○過○從○問○騷○壇○誰
霸○屈○指○惟○公○更○家○鄰○泰○岱○相○約○扶○筇○重○來○登○眺○知○何
日○休○辜○負○漢○碣○秦○松○海○島○初○暘○吳○門○匹○練○放○眼○長○空

念奴嬌 新霽湖心亭

寒霖開霽喜典衣沽酒百錢初足瀉影浮光三百頃。
染就一湖醺醖鮫室清虛蜃樓奇麗不似居華屋倚
闌長嘯日空今古榮辱何虛聯袂佳人尋芳拾翠
盡舫頻移日衰柳垂隄還拂水欲與弓眉鬪曲豈識
經時霜風憔悴遠遜三春綠物猶如此夜遊須秉華
燭。

前調

甲寅秋移家避寇西陵吳慶百以詞訊余近狀率爾賦答

干戈滿目問誰人手挽天河淨洗画棟雕楹皆一炬
林木明年燕壘匿影山隅沈踪水畔生死須臾耳更

闌秉燭舉家驚定還喜遙望形勝錢塘鬱葱佳氣
舟楫浮江汜荆棘故園無可問却傍孤山梅蘂兒女
顛連齋厨蕭索迹與鷓鴣比不如且飲中山醉日能
幾。

前調

長夏客李良弼署齋述懷

青齊朱夏正火雲未散飛禽斂翼疎柳深槐相掩映
移入水天秋國鄴下詞流西園名士咄咄來相逼君
苗焚硯問誰此意能識自嘆天末孤踪風塵歷落
舉步皆荆棘百尺樓頭豪氣在龍性如何馴得慷慨

彈○箏○悲○涼○說○劍○酒○泛○玻○璃○色○不○如○且○飲○斯○人○竟○已○頭○
白○

前調 壽宋牧仲

騷壇今日是何人手挽銀河淨洗歷下雲間非故轍
裘馬翩翩而已險韻天驚長吟泉湧君與漁洋爾唐
家韓孟當時風味如此 還憶侍浴湯泉陪遊上苑
年少真華侈把筆題詩原未晚却滿香名人耳春草
池塘白雲官舍酒泥珊瑚紫鸞簫吹徹年年盡醉花
底

木蘭花慢

朱萊禱招飲賦贈

問韶光九十何處度客中消恰鶯舌輪簧蝶衣褪粉
春去難招主人多情投轄向花前選伎列妖嬈歌榭
還遮翠幙舞裙特綴紅綃 三齊遊倦正無聊雙鬢
漸蕭蕭也隨分追歡循聲按拍卽席揮毫胸中幾多
硯礪嘆瓊漿百斛總難澆更有簷前皓月勸余莫負
良宵

水龍吟

望銅雀臺

垂楊一帶長隄而今又着征衫到宿雲未捲晴光猶

歛三臺縹緲。往日尊壘已成陳迹。電馳風掃。只漳河似舊。綿綿徐逝。因甚不辭昏曉。豈嘆時光易邁。嘆當年阿瞞衰老。分香人去。空留遺令。西陵荒草。說甚三分。長江沉鎖。陰平通道。算將來總歸子虛。烏有爲誰忙了。

綺羅香

思古堂雅集

竹粉黏殘。榆錢買斷。誰肯放春歸去。莫惜樽空。門外酒帘頻舞。冰椀內藕雪微香。翠盤裏蓴絲初縷。笑無端太史占星。元來盡是酒徒聚。嚴城清漏漸永。相

對年華晚。頭顱如許。獨有髯徐。還愛小姬眉嫵。休悵歎故里荆榛。且追歡他鄉賓主。一觴後。今昔都拋。怪蘭亭太苦。

沁園春

寄懷夏樂只

所謂伊人。傾蓋相於。懷抱悠然。喜樓依葛嶺。光浮紫翠。門臨湖溜。韻叶絲絃。此日通翁前身。摩詰長嘯聲。疑鸞鶴。騫君休矣。任名場。虎尾利藪。蝸涎於今更慕林泉。問卜築幽區。第幾塵。向嚴光瀨下。平分釣鯉。謝翺墳側。共哭啼鴈。天放閒人。地行仙。容不必丹砂。

引大年還堪羨蕭蕭素髮微映朱顙

前調 宿雲巖山房贈唐殿宣昆季

策杖名園巖屏深掩徑闢三三喜鷓聲可聽耳逢鍼
砭石峰空拜腰懶朝參曲徑幽池小亭疎榭更有飛
樓納遠嵐徘徊久且脫冠挂壁任髮鬢髮莫嫌屐
齒頻探問點筆題詩日幾箇更松陰對酒光浮縹碧
苔痕染袖色映深藍傲吏閒身狂奴故態世法應知
七不堪無猜也且我眠君去一枕初酣

王瑁湖 顙齡 曰每讀映竹軒詞羅羅清疎令人入

勝紅杏枝頭春意鬧未浣烟火氣矣

方渭仁 象瑛 曰毛子會侯夙著名山之業早懸國

門之書偶爾摘詞便同蘭畹暇時選韻無異金

荃允稱樂府元音洵是花間絕調

周冰持 雅廉 曰會侯先生過雲間留十日日與諸

名家命題拈調為文酒之會不謁當事不受餽

遺遊九峰三泖興盡而返余時客燕未獲躬預

其盛歸而知之此等詞人先達真寰宇中罕覩

也。因悉其尊前酒邊之作。益知先生才敏思新。綺艷秀逸。有非今人所能道。

名家詞鈔目錄

廬陵 聶先 晉人

長水 曾王孫 道扶

纂定

迦陵詞 合纂烏絲檢討

宜興 陳維崧 其年

春光好 醉公子 二調

紗窓恨 二調 浣溪沙 二調

減事木蘭花 西江月

探春令 南柯子

鷓鴣天 二調

玉樓春 二調

南鄉子

虞美人 二調

踏莎行

臨江仙

蝶戀花

一剪梅

釵頭鳳

繫裙腰

似娘兒

鳳啣杯 二調

芭蕉雨

酷相思

青玉案

鳳凰閣

感皇恩 三調

于飛樂

師師令 二調

風入松

一叢花

瓜茉莉

拂霞裳

鵲踏花翻 二調

滿江紅 五調

慶清朝慢

倦尋芳

瑣窓寒

金菊對芙蓉

燕山亭

念奴嬌 二調

春夏兩相期

琵琶仙

換巢鸞鳳

珍珠簾

水龍吟

石州慢

尉遲杯

春霽

西河

飛雪滿郡山

望湘人

薄倖

過秦樓

蘇武慢

沁園春 二調

賀新郎 三調

摸魚兒 二調

蘭陵王

瑞龍吟

迦陵詞

宜興

陳維松

其年

春光好

桐川道中作

鵲鳩叫。戍樓平。漆燈明。一路春田四月。少人耕。惡
木叢中古驛。亂山缺處孤城。安得短衣看射虎。過殘
生。

醉公子 艷情

小姑牽妹臂。笑奪鴛鴦隊。嬌面向姑斜。黛痕添酒花。
碧紗郎。搯損偷覷深閨。恁有意。近春膚。自憐非小。

姑

前調

低聲添鵲腦。盡角今宵早。一○二○鼓○分○明○又○聽○三○四○更○
五更聽不得。樓外觀風色。淚○下○夾○花○衣○知○他○歸○不○

歸

紗窓恨

梁谿卽事

紫帆一片因誰卸。爲汪倫。昨宵記得芙蓉扇。箇人○
金荃句。細和檀屑。紫猊屏。漫啓香唇。拚○今○生○流○落○
不傷春。

前調

蝴蝶次毛文錫韻

開紅啞翠何時了。漾春心。一○生○輕○薄○誰○拘○管○粉○墻○陰○
花架底。潛防紈扇。盡梁前。巧聞紅襟。描○上○鴛○鴦○摺○
費泥金。

浣溪紗

紅橋感舊和阮亭韻

鳳舸龍舳泛盡橈。江都天子過紅橋。而○今○追○憶○也○魂○
銷。繡瓦無聲春脉脉。羅裙有夢夜迢迢。漫○天○風○雨○
咽歸潮。

減字木蘭花

上巳後一日途徑滄川

花紅草綠。昨日濃春經阮曲。碎雨飄烟。今日愁人過
涓川。三春去半。半付郵亭和驛館。潦洧潺湲。上巳
無人出采蘭。

西江月 夜宿何雍南齋中

一榻奇書繚繞。三間老屋欹斜。天寒沽酒撥琵琶。消
盡丹徒客夜。南浦零簫刺管。西風社鼓神鴉。他年
夢亦識君家。家在寄奴山下。

探春令 庚戌元夕

去年客裡度元宵。人正懨懨病。懨懨師解後。苦梅嗅。

想洛下春燈盛。今年淮擬酬春興。柰陰晴難定。倚
香篝伴着殘燈。半盞似去年心性。

南柯子 午睡

磁枕搖新竹。藤床蔭瘦桐。人間亦有廣寒宮。半畝荷
亭。幾陣藕絲風。簟滑涼於水。幃虛翠若空。花陰得
失。鬧鷄蟲。覺後掀髯一笑夕陽紅。

鷓鴣天 寓興用稼軒韻

斫屨吹簫吳市間。恨無大藥駐紅顏。詩情浩蕩風前
絮。身計微茫海外山。耽放浪。恣蕭閑。煙波境界十

分寬。新銜曲部兼茶部。舊署園官并橘官。

前調

曾倚瑤臺喝月行。嗔他鸞鶴不相迎。當時酒態公然好。今日詩狂太瘦生。千百輩。儘容鄉。問誰堪與耦而耕。灌夫已去袁絲死。淪落人間少弟兄。

玉樓春 春夜讌集原白池亭

絆人最愛金蟲軟。障燭更憑羅袖展。酒舡風動蹙紅鱗。歌板烟籠啼紫燕。城頭側聽三更轉。玉漏漸深還道淺。明朝重揭繡簾斜。花底攏瑜應未捲。

南鄉子 邢州道上作

秋色冷并刀。一派酸風捲怒濤。並馬二河年少客。粗豪。皂櫟林中醉射鵇。殘酒憶荆高。燕趙悲歌事未消。憶昨車聲寒易水。今朝慷慨還過豫讓橋。

虞美人 端午閨詞

朱砂撚入銀壺酒。此意郎知否。與郎染就好心腸。休戀菖蒲北里別家香。粉和水麝金盤內。雨過荷珠碎。一生多子是紅榴。更愛萱花小字號忘憂。

前調

靈符颺上香雲膩。繡虎釵頭睡。守宮蜥蜴粉蟾蜍。還
剩玄綃半捻。裹蜘蛛。燈前笑把檀郎蹴。誰道諸般
毒。東家蝴蝶過西家。多怨薄情心性劣於他。

踏莎行 帳鈎

玉色無痕粉光欲研。一生管住春風。罽紗厨凝望碧
如烟。憐伊蕩漾何曾挂。顛處輕盈控來低亞。流蘇
絡在銀毬下。月明風細漸琮琤。依稀似說春宵話。

臨江仙 武塘贈錢巖燭

黃竹篙兒如雁叫。西風且放江舡。櫂聲搖破鶴湖烟。

園林排水次。甲第轟花前。公子才華尤絕勝。翩翩
氣壓幽燕。新詞脫手萬人傳。暗香姜白石。殘月柳屯
田。

蝶戀花 春閨和漱玉詞同京少作

曉起春酥呵。又凍風捲西樓。似怯紅欄動欲倚。自憐
無與共。和愁况是織腰重。花影看看移半縫。呆覷
庭陰蹴損鞋尖鳳。莫怪難憑惟好夢。鵲聲也把愁人
弄。

一剪梅 吳門客舍初度作

風打孤鴻浪打鷗。四十揚州。五十蘇州。半生習氣破
除休。少日倡樓老去僧樓。故壘蕭蕭蘆荻秋。說甚
曹劉。只羨孫劉。鱖諸巷內且淹留。烽火邊愁。風雪羈
愁。

釵頭鳳 艷情

薔薇罇。鞦韆架。中門闔鎖聲纔罷。粉墻側。銅扉直。記
來約畧。行來疑惑。黑黑黑。幽窓下。紅燈射。夜闌綠
水昏如畫。花紋榻。玲瓏極。剪刀尚響冠兒未摘。嚇嚇
赫。

繫裙腰 味裙

滿園草色綠迢迢。都吹上小裙腰。棲鸞宿蝶風流甚
暗。暈紅潮。輕颺處。稱垂髮。有時沉在簾兒底。依稀
微露輕綃。隔花繡帶無風轉。淺立春宵。想應拂遍落
梅嬌。

似娘兒 舟過婁門卽事

渡口綠簑斜。繞子城碧浪週遮。誰知我是玄真子。賣
餚天氣。憑橈心事。蕩漿生涯。水面小窓紗。響棖棖
誰摘琵琶。東風似夢回頭望。絕無人影。粉墻之內。一

樹桃花

鳳御盃 偶感

弱柳絲絲街前漾。正初學小蠻腰樣。有隔水紅墻翠樓倒映。墻頭上聽墻內三弦響。恰重經人已往。帽簷斜倚風凝想。只似夢如烟柳花撲地漫天放。尋不出伊門巷。

前調 春日遊觀音山

香紅暎翠風吹散。依舊在心頭。嵌滿恰殘夢。惜騰墻圍青粉。誰家館。正隔水飄歌板。柳絲樓梨花苑雨。

濛濛畫舫歸晚。刺薺菜連天。檀心嬌熬無人管。黃了春城一半。

芭蕉雨 春雨

輕煖輕寒時節。東風將柳絮。搓香雪。暗惹翠蛾千結。絕似細雨紅橋。情人乍別。綠窓花影半。摺待折。未曾折。儘草上輕狂。雙蛺蝶。亂撲着雨和烟。攪得今歲韶光不成三月。

酷相思 冬日行彰德衛輝諸處馬上作

趙北燕南多驛路。見一帶霜紅樹。又天外亂山青可

數○叢○臺○也○知○何○處○雀○臺○也○知○何○處○
一○鞭○裊○裊○臨○官○
渡○雁○叫○酸○如○雨○儘○古○往○今○來○誇○割○據○漳○水○也○東○流○去○
淇○水○也○東○流○去○

青玉案

移寓積翠閣用藝香詞韻

梯○空○架○就○羊○腸○路○領○俊○鶻○穿○烟○去○窻○豁○正○當○山○破○處○
天○風○瀕○洞○吹○完○今○古○只○剩○龍○窩○住○松○毛○純○碧○騰○腥○
鼠○下○簌○寒○潭○瘦○蛟○舞○老○樹○得○風○都○作○語○半○床○泉○氣○一○
簾○山○霧○晴○晝○家○家○雨○

鳳凰閣

汴京夜雨

被○西○風○送○到○東○京○更○鼓○又○添○隔○巷○數○聲○杵○暗○想○半○生○
淪○落○廿○載○羈○旅○總○不○比○今○番○淒○楚○朦○朧○枕○畔○不○斷○
吳○娘○鳴○櫓○醒○來○有○甚○好○心○緒○人○瘦○也○怪○黃○花○瘦○也○如○
許○滴○不○了○秋○簷○夜○雨○

感皇恩

晚涼雜憶

記○得○鎮○淮○門○風○篷○競○舉○都○歇○荷○潭○最○深○處○綠○蓑○烏○榜○
雁○翅○玲○瓏○無○數○嫩○涼○三○萬○頃○誰○先○取○茱○萸○灣○冷○山○
光○寺○古○玉○笋○頻○傾○水○天○暮○酒○深○紅○面○笑○拊○冰○肌○銷○暑○
到○今○渾○一○夢○揚○州○路○

前調

記在玉河橋。天街無賴。被酒狂歌。禁門外。蒲桃晶透。
選取招涼珠。賽冷螢流殿瓦。冰初賣。倦聽太液蟬。
聲一派。想像宸遊甚時再。飄紅墮粉。鳳娟經秋都壞。
燕丹門下客。皆安在。

前調

記在湧金門。冷雲成畫。月落高樓。水明夜。佯狂脫帽。
行到宋諸陵下。碧羊纏石。蘚眠官野。一湖蓮葉半。
城樵舍。西子嫣然晚粧罷。隔江雪浪隱隱。天風檣馬。

狂○思○橫○萬○弩○迎○潮○射○

于飛樂 鴛鴦

彩翼文禽。一生睡煥漣漪。葡萄春漲初齊。度朱欄。穿
綠浪。做弄歲蕤。畫樓低處。金塘好漾。盡紅衣。孔雀
樓頭。錦雞關上。讓他毛羽芳菲。惹黃鶯。和乳鴨。妬爾
雙栖。生憎杜宇。東風裡。只向人啼。

師師令 味雛姬

勻紅剔翠。擲星眸斜賣。春嬌尚未忒玲瓏。却已會三
分無賴。笑匿花叢。衫影在。怨風吹羅帶。銀箏研緊。

鷄鳴快。做殢人情態。玉瓶頻到。只推辭。道酒病昨宵
曾害。接碎紅梅庭下。洒罵粉郎心壞。

前調 汴京訪李師師故里

宣和天子。愛微行坊市。有人潛隱小屏紅。低唱道香
橙纖指。夜半漏沉鶯語脆。正綠窻風細。如今往事
消沉矣。悵暮雲千里。含情試問舊倡樓。柰門巷條條
相似。頭白居人隨意指道夕陽邊。是

風入松 寒鴉

欹斜嬾漫徧燕關。僵冷甚袁安。誰將水墨濛濛畫做

邊城一抹荒寒。小日曾藏柳葉前身。慣上釵環。無
端悞點早朝班。髣髴認龍顏。六宮怕有人爭妬。帶昭
陽日影飛還。惆悵舊遊何處。孤村流水之間。

一叢花 楊梅

江城初泊洞庭舩。顆顆取勻圓。朱櫻素柰都相遜。家
鄉在消夏灣前。兩嶼蒙茸。半湖羃歷。籠重一帆偏。
買來恰起晚涼天。水井小亭軒。粧餘浴罷春纖濕。粉
裙上幾點紅鮮。莫是明朝有人低問。羞暈轉嫣然。

瓜茉莉 月夜渡楊子江

森森江天聽中流笛響推篷看一天凄爽六朝遺蹟
問風景幾曾無恙只隔岸建業城邊有商女深夜唱
一輪團月與舡頭正相向越顯出萬層銀浪十年
作客算將來祇悲愴且渡江溷跡騎奴廝養學販畚
兼鬻醬。

拂霓裳 冬夜觀劇

釀寒天六街皓月盪成烟腰鼓鬧騰騰雨點打來圓
銀燈籠暮靄鐵撥迸秋泉映嬋娟想後堂笑語總群
仙教坊絕藝一隊懷智龜年君不醉風光辜負十

分妍醉餘偏惹恨歸去不成眠忽凄然悵桐花一樹
綠簾前

鵲踏花翻 春夜聽琵琶作隋唐平話

雨滴梅梢雪消蕙葉入春難得今宵暇倩他銀甲淒
清鐵撥縱橫聲聲迸碎鴛鴦瓦依稀長樂夜烏啼分
明湓浦鄰舡話腕下多少孤城戰馬一時都作哀
湍瀉今日黑闥營空尉遲杯冷落葉浮清灞百年青
史不勝愁兩行銀燭空如畫

前調 健兒吹笛

十上燉煌三過代郡。翩翩繡袷黃金勒。曾在僕射營門。塞女如花。偷譜李謩銀雁笛。長城夜月一輪孤。沙場戰馬千群黑。今日鬢點霜花。誰識故國何年歸。始得幾徧閒尋舊曲。纔當入破。又犯龜茲急。卻陽城外。遇鄉人一聲紅豆春衫濕。

滿江紅 江村夏日

丁字隄邊。見一帶陰陰夏木。扶疎甚。釣絲斜漾。菱絲大熟。鶯煖。鮎魚新上市。草香蠶子齊登簇。喜炊烟一縷。裊江邊。燃湘竹。菱鷄唱。溪流足。姑惡叫。山光綠。

聽樵歌正斷。漁歌又續。泥滑婦愁微雨。髓村深兒趁。朝涼讀。更柳塘吹起。特牛風波如縠。

前調 和賀天山見寄原韻二闕

枯楊夏木。三歎息。物猶如此。白眼看。塵埃野馬。子虛無是。四壁豈無窮。可送九天。只有愁難寄。放任歌金鐵。一時鳴。吾衰矣。拜特進。官承旨。僮列鼎。奴衣紫。更屏間窈窕。堦前阿唯。若有人。今寧足。慕彼何爲者。殊堪恥。曾幾回。策馬樂遊原。荒烟耳。

前調

速壘糟丘。卿莫惜壚邊酒價。能幾日秦關月小。漢宮
花謝。萬里秋從西極。到千年淚向南樓。灑婦人裝胡
粉。且搔頭。無人者。風刮竹。窓多罅。雨淋壁。簾須下。
溷南隣北戶。詩塲歌社。白晝遼遼。身化蝶。青天夢夢。
程生馬約。練湖鴉舅。十分紅。余來也。

前調 渡江後車上行二闕

磨鏡來耶。怪范叔一寒至此。古所謂丐。喪借面將母
同是十載。江湖淮泗客。一身南北東西寄。問車中閉
置婦人乎。真窮矣。村釀薄。寒加旨。斜日淡。風添紫。
有輿騶拉飲。從而唯唯。謂彼金張。吾已過厄。於陳蔡
誰之恥。任兒童拍手笑。勞人車生耳。

前調

亦復何傷。終不掩文章光。價曾抵突。不知屈宋。何論
沈謝。一曲楚聲。愁筑破。半生情淚。如鉛灑。儘腸中容
得百千人。如卿者。好覓個西村。躡。竟須在南山下。
結。斬蛟射虎。踈狂之社。夢裡悲歡。槐國蟻。世間得喪
隣翁馬語。前騶叱馭。且從容。余歸也。

慶清朝慢 徐健庵太史新築憺園

正復憺淹。居然蕭遠。此中位置殊難。主人畧施烟墨。
已就林巒。幾尺紅泥墻子。被風吹亂。月同彎。花深處。
玲瓏金粉。一半纔乾。碧一隊。黃一隊。被染得亭榭。
在水雲間。朱欄綠莎似錦。映帶潺湲。盡日唼波花鴨。
參差睡破。簾紋閒。登樓望斜陽。士女。又滿春山。

倦尋芳

早春偶過農部伯父廢園

敗屋東頭。偶然行散。十分情重。滿地苔錢。雨榭烟廊。
都空。蘸水燕。雛晴故掠。陰堦絲柳。風徧弄。傷心處。是
舊家年少。登山一慟。記當日孝標姊妹。僧綽兒郎。

嬉遊曾共。多少春衫。斜著金鞭閒控。一自攀髯人去。
早江南鶯燕。成何用。揀此生繡戶珠簾。付之一夢。

瓊窓寒

和棠村先生寒食悼亡

半疊蠻箋。幾行鮫顆。情詞哀麗。把翫迴環。魂斷千春。
羅綺。便無情。絳蠟成灰。啼珠也向銅荷賦。恨眉如春。
水剛纔平了。東風又起。凝睇晴堤外。有裙幄參差。

飭簫迤邐。烟光正好。只助粉憔脂悴。便化爲竊藥常。
娥冰輪。月殿人孤倚也。須將一片清光照。綠窓人淚。

金菊對芙蓉

禹州使院作

雍氏亭空。大駟山老。一鞭裊盡斜暉。正荒城苔繡。古
驛花欹。行人說是王孫第。悵金牀玉几都非。巡簷背
手。誰人憐我。情緒如絲。此意枕簟應知。共殘缸青
穗。伴我題詩。歎星移物換。種種淒其。不如且向東門
外。好悲歌。聶政墳西。明當竟去。頻斟濁酒。細拂橫碑。

燕山亭 和韻送魏再平

爲送人行。馬上遠山也。把晴蛾淡掃。惜別情。中酒
心期。自己殊難分曉。一路相隨。總輸與道。傍春艸來
早。恐夢裡花多。意中人少。計日迤邐。吳關和燕子

楊花一群齊到。翠篷推處。白舫搖時。兩岸露桃紅小。
半幅蒲帆。渾疑是掠波沙鳥。尤好京口驛。紫魚上了。

念奴嬌 送松之還吳江兼訊諸同人

生平慕藺。笑人間竟有兩相如者。解唱春城寒食句。
卻○是○此○韓○翊○也○廿○年○以○前○記○曾○與○汝○爛○醉○臯○橋○下○我
髯○君○黑○路○旁○紅○粉○輕○罵○今○日○髯○已○成○絲○黔○還○似○昔
重○會○荆○南○榭○篋○裡○雲○山○詩○卷○在○只○被○雨○淋○風○打○撼○笛
旗○亭○聽○鐘○禪○院○總○是○淒○涼○話○垂○虹○橋○畔○飄○零○多○少○同
社。

前調 尤展成招飲卽席分賦用葑園韻

別來何久喜今朝坐上五君二仲齊作鎮西鸚鵡舞
舞罷持杯高味蹴踏齊梁憑陵晉魏白眼看唐宋牌
雖生肉公然意氣豪縱最是月落參橫主人留客
不放歸鞭控能得幾場花下醉况是吳宮如夢錦瑟
憐誰青萍負我快作臨風弄唾壺缺盡狂歌亂擊春
甕

春夏兩相期

初夏同友訪吳繩園居

有羅羅水煙千頃夜來初浣籬徑紫艷紅芳屋角墻

頭○相○映○草○香○小○巷○入○都○迷○竹○暗○層○扉○敲○誰○應○淺○漾○風○
簾○愛○他○草○閣○居○然○舴○艚○幽○棲○不○似○塵○境○只○閒○驅○菊○
蠹○小○除○松○瘦○濕○翠○難○名○到○此○萬○綠○真○冷○牙○籤○亂○挿○道○
書○香○板○橋○對○掩○僧○廬○靚○惆○悵○曾○分○半○榻○鶯○聲○一○杯○花○
影

琵琶仙

閩門夜泊用白石詞韻

暗○色○官○橋○消○盡○了○帶○雨○綠○帆○千○葉○驛○口○夜○火○微○紅○瓊○
簫○正○淒○絕○記○醉○惹○銅○街○喚○馬○更○閑○凭○畫○樓○聽○鳩○無○數○
前○情○許○多○往○事○檣○燕○能○說○只○細○數○花○艸○吳○宮○除○夢○

裡依稀舊時節。欲買韶光暫駐。待來春翠筴。縱尚有
鴟夷一舸。怕難禁伍潮堆雪。悔教麝帕鴛衾。那年輕
別。

換巢鸞鳳 春感

日煖絲柔。正花枝景。鳥語鈎輶。斜橋雲似粉。合澗
水如油。臨風却憶少年遊。閑踪跡。徧旗亭酒樓。如今
也。只淺淡眉痕。相關知否。人感舊。滿砌蘼蕪。慘綠
窓清晝。記得年時。暗曾經處。深巷紅欄。羽柳飄盡楊
花雨。徧肥。摘來梅子春先瘦。悵風光更消人幾。翻回

首。

珍珠簾

題宋牧仲楓香詞次曹實庵韻

當時紅杏尚書句。總輸却宋玉。今朝風賦。螢火柳綿。
詞闔陽阿。激楚五色。蠻牋螺子。墨渲染。殼微雲。踈雨
凄苦。滿歌坊粉壁。舞巾紈素。一曲減字偷聲。聽小
屏風後。玉簫潛度。低轉隔林鶯碎。一庭花露。鷓鴣又
碧。關山調似。萬馬憑秋而怒。相訴我。中年以後。冰絃
怕鼓。

水龍吟 江行望金陵作

輕舟夜剪秋江。西風鱗甲生江面。瓦官閣下。方山亭外。驚濤雪片。一帶蔣州。千尋鉄鎖。等閒燒斷。只波間皓月。流光欲下。舊曾照金陵縣。何處迴颿。搥鼓更玉笛。數聲哀怨。回思舊事。永嘉南渡。流人何限。如此江山。幾人憐惜。斜陽斷岸。正江南。烟水濛濛。落盡楚天新雁。

石州慢

夏閏

竹院臨池。蕉軒翳日。蕭然烟幌。送春留病。賒秋做惱。懶梳蟬樣。恹恹永晝。誰令幽夢驚迴。偏嫌多事。茶爐

響。侍女秉齊紈。隔紗幘。低蕩來往。一湖水氣。滿院蘭風。撲歸裙上。悄覺涼釵委枕。簾紋鋪浪。起來慵繡。將泉戲瀉。團荷。憐他葉嫩。纔如掌。珠滑不成圓。却添人閒想。

尉遲杯

許月度金陵歸以青溪集見示

青溪路。記舊日。年少嬉遊處。覆舟山畔人家。麾扇渡頭。士女。水花風片。有十萬珠簾。夾烟浦。泊畫舫。柳下樓前。衣香暗落如雨。聞說近日臺城。剩黃蝶濛濛。和夢飛舞。綠水青山。渾似畫。只添了幾行秋戍。三更

後○盈○盈○皓○月○見○無○數○精○靈○含○淚○語○想○臙○脂○井○底○嬌○魂○
至○今○怕○說○擒○虎○

春霽 春寒撥悶作

三○月○吳○天○那○肯○碧○帶○暝○連○陰○做○黑○簾○閣○空○憑○角○巾○長○
墊○心○事○對○誰○人○說○尋○尋○覓○覓○城○南○行○遍○還○城○北○向○甚○
處○問○取○酒○旗○歌○扇○舊○踪○跡○算○是○除○却○社○燕○堂○前○今○
朝○更○無○一○個○相○識○悶○無○聊○豪○情○不○禁○當○街○倚○醉○拓○金○
戟○一○任○酒○狂○喧○巷○陌○怎○奈○易○醒○不○如○歸○擁○羅○衾○慊○慊○
睡○過○一○年○寒○食○

西河

春日偶過亳州村故居

前○村○裡○落○梅○陣○陣○風○起○舊○家○池○館○暫○經○過○玉○欄○漫○倚○
粉○英○也○爲○主○人○來○雨○中○和○淚○梳○洗○畫○簷○損○月○榭○圮○靡○
蕪○夾○蝶○盈○砌○頽○垣○敗○井○劇○關○心○那○能○遣○此○賺○人○連○夜○
卸○烟○帆○半○篙○埋○怨○春○水○一○天○絲○雨○灑○不○止○總○難○尋○
舊○日○隣○里○祇○有○點○波○燕○子○上○雕○梁○絮○語○墨○花○簾○底○似○
話○王○家○當○年○事○

飛雪滿羣山 雪霽

萬○瓦○銀○被○千○門○粉○窖○六○街○簾○幙○踈○踈○斷○橋○紅○板○小○帘○

黃布。一齊映入冰壺。幽人無箇事。閒屏當吟軒釣車。
桓家寒具王郎水厄。活火沸風爐。女牆上早霞籠
積素。似藐姑仙子。春透肌膚。明粧酒暈檀腮。茜捻江
天。此景難圖。詩顛兼酒惱。聽滴瀝鄰家玉甌。誰堪共
飲。街南且拉諸狗屠。

望湘人

寓樓微雪味隔垣所見

訝銅街轉處。銀井灣頭。盈盈霧髻烟鬢。又被斜風捲
來。微霰。越與明粧相襯。暗裊裙拖。低粘粧閣。行來將
近。相憐他。輕軟纖鬆。故把凌波偷印。誰念鄰家樓

上有他鄉狂客。闌杆憑損。枉目斷瑤階。難透飛瓊音
信。料孤館只晚寒成陣。况是歸期無准。偏戲弄牆外
花。稍。搖。落。一。庭。新。粉。

薄倖

閩門感懷用湘瑟詞韻

春波甸線。把船檻和愁倚。徧記舊日膽娘門巷。只在
畫橋南轉。靠他家一樹枇杷。流鶯日日啼歌扇。向燕
子樓邊。鵝兒酒內。生受花憐柳眷。到今日思量處。
空蕤盡沉香火慢。被東風幾陣晴絲。一夜吹將往事
連天遠。鮫珠休濺。便玉京仙圃也。應風景年年換。閒

愁莫惹城下紅桃正綻。

空翠盡過秦樓。

過疎香閣址乃才媛葉瓊章讀書處

烏啄雙環蝶粘交網。此是阿誰門第。整巾繞柱背手。循廊直恁冷清清。地想爲草沒空園。總到春歸也無人至。只櫻桃一樹。有時和雨暗垂紅淚。料昔日人在小樓。窻兒簾子。定比今番不似望殘屋角。立盡街心。何處玉釵聲膩。惟有門前遠山還學當年眉峰空翠。憶香詞尚在。吟向東風斜倚。

蘇武慢

汴城晚眺

暮色傷心。重關極目。潏潏黃河之水。侯羸館老。朱亥螢高。直得英雄心死。城頭戍火。馬上征笳。何苦愁人如是。最是堪憐。千里蒯緱牢落。方當盛齒。細數他趙宋繁華。宜和節物。此事幾年矣。宜春燈燭。盃屋簫笙。多少六街三市。有恨秋槐無情。社燕換過幾番人。世只空畱廣武榮陽。一片驚濤剩壘。

沁園春

同遠公和雲臣越生贈荅之作

五十之年。細數生平。人間可哀。看白首相知。晨星寥落。朱門先達。覆雨喧塵。只此貧交。陶然永久。蹴鞠彈

棋更舉杯。交驩甚。記看花並出。踏月偕回。千金散
盡還來。算細故。寧容芥蒂哉。况白雪連箱。讀之氣盡。
紅牙一曲。聞者心灰。亟續曩遊。競投新闕。從此蕭朱
忍見猜。真嘉話。使詞塲數子。笑口齊開。

前調

贈別芝麓先生

歸去來兮。竟別公歸。輕帆早張。看秋方欲雨。詩爭人
瘦。天其未老。身與名藏。禪榻吹簫。妓堂說劍。也算男
兒意氣場。真愁絕。却心憂似月。鬢禿成霜。新詞填
罷。蒼涼更暫。緩臨岐。入醉鄉。况僕本恨人。能無刺骨。

公真長者。未免霑裳。此去荆溪。舊名菴。畫擬繞蕭齋。
種白楊。從今後。莫逢人。許我宋艷斑香。

賀新郎

南耕自郡至。艾菴以溪南詞見寄感舊

強飯還能否。說年來。家同鷗泛。門央鶴守。細註農家
新月令。樂事吾生儘有。茅簷下。烏烏擊缶。菴畫戴溪
都不惡。好風光。只落閒人手。君漫士。余聲叟。陡然
百感三杯後。憶同時。許多稽阮。盡成卯酉。何限西風
堆馬鬣。破碣藤纏。雨溜數宰木。蒼蒼如斗。一作驢鳴。
人皆笑。繞簷前。謾罵撩衣走袞袞。是登塲偶。

前調 贈曹實菴珂雪詞

滿酌涼州醞。愛佳詞。一編珂雪。雄深蒼穩。萬馬齊瘖。
蒲牢吼。百斛蛟螭困。蠢算蝶拍鶯簧。休混。多少詞場。
談文藻。向豪蘇膩柳。尋藍本。吾大笑。比蛙黽。燕殘
樺燭。剛餘寸。歎從來。虞卿坎坷。韓非孤憤。耳熱杯闌。
無限感。目送寒鴻歸盡。又眼底。羣公袞袞。作達放顛。
無不可。勸臨淄。且傳當筵粉。城柝沸。夜烏緊。

前調 贈高內翰澹人

家傍紅墻裡。羨薇郎。桃花緩帶。翩何清綺。白玉闌干

黃金鑰。別殿秋晴似水。宜召彩毫才子。塵世乃知。
天上景。但微聞奏賦。天顏喜。眉子硯澄心紙。鄙人
瑣瑣吳蒙耳。恨生平。潛踪屠釣。埋名井里。一頃綠簑
三弄笛。伎倆如斯而已。只合向江南閒睡。深感雲霄
憑問訊。算人生幾度。逢知己。燕市上。浩歌起。

摸魚兒 聽白生調琵琶

是誰家本師。絕藝擅槽。搗得如許。半彎邏迓。無情物。
惹我傷今弔古。君何苦。君不見。青衫已是人遲暮。江
東烟樹。縱不聽琵琶也。應難覓珠淚。曾乾處。凄然

也恰似秋霄掩泣燈前一對兒女。忽然涼瓦颯然飛。
千歲老狐人語。渾無據。君不見澄心結綺。皆塵土。兩
家後主。爲一兩三聲也。曾聽得撇却家山去。

前調 蕁

憶家鄉此時節。物四圍。柵葉攢錦。沿湖小弄。蕝絲滑。
已覺水香微滲。論食品。應不數鷄蘇羊酪。侯門潘流。
涎那禁。伴玉膾魚腮。雪花鹽豉。微雨小橋飲。長安
道惆悵愁潘瘦。沈誰收。凍雪初霽。粘題凝盃。知何限。
絕憶吳娘烹餅。渾未審。笑洛下張翰歸也。還由恁思。

他則甚。拚一夜西風。五湖船上。倦覓綠箋枕。

蘭陵王 秋况

倚簾閣。爽氣直逼寥廓。涼瓦上澹澹初暘。影似干將。
淬秋鏑。擣夜深亂作。響入愁人院落。西風峭陡。把素
砧。攪入霜天白翎雀。曲終睡還著。夢匹馬長城迤
邐。沙漠。渾河路黑探兵錯。見都尉毳帳。賢王獵火。敵
樓颯颯。起雕鷲。下短草如削。驚覺倍蕭索。漸暮色
籠葱。水烟噴薄。夜蟾早逗東墻角。照滿地青桂。半堦
紅藥。可憐月底。又送到深深更柝。

瑞龍吟 送董舜民之廬山用周美成韻

西江路。多少湓浦波濤。鞋山烟樹。相傳白傅當年。月
明送客青衫濕處。船頭竚。記得南康一郡。大江門
戶。此中萬疊匡廬。夜深毛女緣崖笑語。君到試窺
峭壑。縈紅繚碧。獅蹲豹舞。第一爲訊棲賢。可能如故。
捫蘿別蘓。好劃紀遊句。只休望楚江赤壁。吳天瓜步。
怕事隨潮去。望時又惹高人愁緒。短髮搔千縷。君且
坐。峰頭拈花成雨。晚來拍手白雲堆絮。

曹秋嶽 溶 曰其年天才秀挺。作爲四六綺言。直可

凌轢顏謝。吞吐王盧。而于詩餘。尤爲獨闢蠶叢。
自開生面。不惟無體不備。益且衆妙畢臻。卽攀
屈宋。宜方駕。肯與齊梁作後塵。當以持贈迦陵。
嗚呼。觀止矣。

聶晉人 先曰。太史前十年。刻烏絲詞。後十年。爲迦
陵詞。合千八百闕。歿後。蔣京少去其應酬祝嘏
之篇。芟十二卷行世。顏曰詞鈔。志闕也。但太史
小詞。妙在長調。不知何故。其長調多不照譜編

名家詞鈔
填或句之長短。或字之多寡。聲調平仄。無從釐正。今姑據其最爲傳誦者。約數十首付之梓。亦不過以一羽見鳳。一斑見豹也。京少序云。廼陵爲西王母所使之鳥。其羽毛世不可得而見。其文彩世不可得而知。朝遊碧落。暮返西池。余又考釋典。長阿含云。廼陵爲西域並頭共命之鳥。人若多情。化生此類。未知二說孰合。

名家詞鈔目錄

廬陵 聶先 晉人

長水 曾王孫 道扶

纂定

藝香詞

延陵 吳綺 蘭次

桂殿秋 搗練子

望江南 二調 江南春

憶王孫 轉應曲 二調

如夢令 二調 歸自謠

長相思 二調

醉太平

春光好

點絳脣 四調

浣溪沙

玉樹後庭花

謁金門

清平樂

更漏子

憶秦娥

眉峰碧

海棠春 四調

西江月 二調

南歌子

醉花陰

浪淘沙

虞美人

小重山 二調

蝶戀花

後庭宴

釵頭鳳

錦帳春

醉春風

行香子 二調

兩同心

天仙子

滿江紅 三調

水調歌頭

鳳凰臺上憶吹簫

燭影搖紅

醉蓬萊

高陽臺

東風第一枝

念奴嬌 二調

綺羅香

春從天上來

花發沁園春

風流子

沁園春 二調

賀新郎

玉女搖仙珮

多麗

藝香詞

延陵 吳綺 茵次

桂殿秋 秋宵

梧葉冷。柳陰斜。新月橫拖一縷霞。青天亦有孀娥怨。獨恨狂夫不憶家。

搗練子 秋夜

聲淅淅。影蕭蕭。白雁南歸入夜高。別夢路常迷。菡萏。愁人。怕種芭蕉。

望江南 揚州

揚州路。烟草萬重青。畫漿船頭。荷葉大。玉簫橋上。柳花輕。人醉竹西亭。

前調

揚州夜。花月擁。邗關錦瑟兩行。傾玉盃。紅燈千影。照珠鬟。春漏不曾寒。

江南春

春情

情脉脉。恨依依。烟歸花影直。風到柳條知。紅閨春盡。無人覺。鸚鵡籠香。睡欲癡。

憶王孫

寒夜

昨宵凍合水晶宮。鸚鵡嫌寒。罵玉籠。鴛鴦錦衾窩。曉起慵。小牕封雪。在山茶樹上紅。

轉應曲

蟋蟀

蟋蟀蟋蟀。啼向蘭閨。聲急。秦娘初解離情。悄擁鸞衾。夢驚驚。夢驚驚。夢斜月壓簾霜重。

前調

鸚鵡

鸚鵡鸚鵡。花底時梳翠羽。見人學道相思。却憶關山別離。離別離。別。萬里秦天隴雪。

如夢令

金陵感舊

楊柳白門春樹。燕子滿城風絮。看盡六朝花。人在畫樓深處。烟雨烟雨。蕭瑟江關如許。

前調 憶舊

猶記泰娘初見。匿笑佯迴金鈿。飄泊損紅顏。痛煞巫山影現。誰怨誰怨。淚灑犀簾一片。

歸自謠 閨憶

深院靜。風颭落花紅。不定牆東月上鞦韆映。玉驄一去成孤另。愁誰証。說來但與鸚哥聽。

長相思 夜坐

花一牕。月一牕。酒醒西齋聞暗香。黃梅初破霜。琴聲長。漏聲長。綠淺庭莎鶴夢涼。懷人字半囊。

前題 平望舟中

春春波。秋秋波。錦纜牙檣似擲梭。青山奈客何。官船過。估船過。不及漁翁自唱歌。斜陽晒落蓑。

醉太平 悠然閣偶題

波光半城。花陰一庭。秋山萬朶青青。作南窓畫屏。顛狂酒兵。蕭疎墨卿。吾師只愛淵明。採東籬菊英。

春光好 茗川偶題

隨柳絮。拂榆錢。冶游天。欲問水嬉何處。五湖邊。醉裏題將羅扇。歸來拾得金鈿。走馬碧雞人。莫笑海棠顛。

點絳脣 春情

幾度鷺啼垂楊綠了。千千縷。玉驄人去。滴盡西窓雨。撲損菱花金粉。都無緒。相思處。無情山水。遮却多情路。

前調 咏蝶

柳雨桃烟。英臺尙記前生景。去來相並。艷殺羅裙影。

絮粉茸金。眉眼從來靚紅珠。冷花房。睡醒相逐過金井。

前調 咏蟬

素綾高嘶。半生贏得風和露。槐朝柳暮。占斷青青樹。抱葉吟條。似向行人訴。愁無數。不堪聽處。六代斜陽路。

前調 咏蟋蟀

秋到庭除。不知何事須頻說。做成悲切。訴向淒涼月。斷礎頽垣。似爲愁鋪設。聲無歇。苔花如雪。點點秋

棠血

浣溪沙 有感

吳苑青苔鎖畫廊。漢宮垂老映紅牆。教人愁殺是斜陽。天上無端催曉暮。人間何事有興亡。可憐燕子只尋常。

玉樹後庭花

壽寄亭作

槐根幻出南柯郡。夢憑誰問。蜂巢燕壘。勞安頓。暫排春悶。幽欄曲徑。花樽信。柳疎梧嫩。仙鶴一雙。苔跡印。落些風韻。

謁金門

雨後

朝雨沐。小閣翠陰如幄。閣外白雲飛去速。亂峰隨意綠。靈鵲喜聲相續。新笋看看成竹。滿徑落紅無管束。燕兒銜補屋。

清平樂

太湖

亂山青接。粘住吳和越。萬頃琉璃秋映徹。做作蘋風。柳月。烟波誰是吾徒。西風吹出鱸魚。斜日。灤將艇子。醉教桃葉相扶。

更漏子

和阮亭與友人話秦淮舊事

柳遮樓花拂地。金粉六朝爭麗。歌檻裏舞闌中。鸞笙
醉軟紅。燕飛忙。鶯語咽。天寶何堪再說。愁黯黯。淚
瀟瀟。孤燈月下橋。

憶秦娥

次梅村韻

情脉脉。蘭成本是江南客。江南客。烏啼門外。斷腸橫
笛。秦淮十里楊花白。濛濛細草春烟濕。春烟濕。板
橋人散。月明騷瑟。

眉峰碧

立春

鏡裏韶光早。彩勝欵梁裊。捲簾都是惜春人。爭道來

年較好。生怕東風小。央及庭前草。玉階先自送青
來。莫教惹得芳心惱。

海棠春

曉妝次阮亭四首

賣花聲入紅樓響。看檐角霞銷珠網。扶倦起香奩。一
鏡柔情漾。鬱金梳掠同心樣。揀一隻金鸞給賞好。
極轉生疑。更把簾旌敞。

前調

午睡

狸奴花底金眸足。捲繡帖碧闌干。曲紅困一枝。花驪
向菜黃禱。枕紋香印胭脂肉。鸚鵡喚茶擎小玉。只

剩半牀慵。拋却絲和竹。

前調 晚浴

春波欲浸桃花影。試豈蕊倦眸初醒。綃解下裳紅。壺
瀉珍珠冷。藏羞移却妝臺鏡。下繡幄。鞋弓慢整。展
轉出來遲。月上懸金餅。

前調 夜坐

愁多懶說巫山雨。那更理。玫砧香杵。擁髻向燈花。碎
滴紅如雨。江關夢遠。鬼難去。耐不過。幾聲街鼓。呼
婢學郎談。戲折花爲塵。

西江月 咏別次梅村

桃葉流將舊怨。柳絲不縮閑愁。無情春水泛螺舟。記
得畫簾招手。帳裏綃封紅淚。燈前扇掩青眸。一帆
別恨倩誰收。心事渾如中酒。

前調 廣陵記憶同芝麓先生

醉後獨翻棋局。醒來鵲語檐牙。盈盈十五掩團紗。最
憶鸞釵初下。幾日人人離恨。一江春水春花芙蓉。
欲採夢無涯。怨煞鴛鴦今夜。

南歌子 閨情

銀甲調新火。珠簾捲曉霞。碎寒初着杏紅紗。正是惱人時節不歸家。鶯坐渾身柳。蜂歸兩股花。一絃春怨語琵琶。昨夜鴛鴦買卦。又須差。

醉花陰

與詩堂納涼次弘載

月照紅牆銀漢皎。雲去青山小。別院晚追涼。弄微瑤笙越覺花陰悄。瓊漿滿酌開懷抱。醉裏乾坤好。暗麝夜香清。寶髻逢迎。暑向冰紈少。

浪淘沙

吳女採菱

三十六鴛鴦。睡損秋光。個儂貪耍未成粧。借得鄰家

新艇子。灩漿橫塘。

蓮子怕空房。綠扇凋傷。纖纖偏

愛小紅香。說道菱花能向日。且弄斜陽。

虞美人

春兩次李舒章

紅絨冷落千秋架。人約西陵罷。梨花和淚閉重門。却似玉兒憔悴憶東昏。孟婆苦把東君妬。做作催春暮。愁春人正在朱樓。聽盡絲絲點點倚香篝。

小重山

遊壑菴

蘇小堤邊東復東。啼鶯聲不住。百花中。斷橋無路倩雲通。人過處。又被碧雲封。鷗鷺莫迴踪。胡牀清興

劇與君同接離顛倒王餅空人醉也卧占翠芙蓉

前調 憶昔次卧子

十里珠簾金鳳鈎大堤堤上路舊時遊枇杷花下不知愁青溪月夜夜照風流往事但悠悠鴛鴦飛盡處白蘋洲蘭成蕭瑟倚江樓傷情也一曲舊伊州

蝶戀花 咏瓶內紅梅

羅浮夢斷明瑞小一點唇酥吐出春光早和靖不須誇樹繞孤山却比桃源好翠羽啁秋簾押曉瓶裏疎枝似向吳儂笑把酒對花花也道莫教容易朱顏

老

後庭宴 同閨人登愛山臺

春到庭閑臺高徑曲新橙嫩破纖纖玉攜將彩袖一凭欄南山雪淨青初足樓開罨畫風吹巧笑酒爐才熟杯香琴靜小鬪娥眉綠語細怕鶯知腸斷憑花續

釵頭鳳 冬閨

燈花滴爐香熄屏風靜掩遙山碧簫誰弄衾長空五更簾幙月和霜重凍凍凍閒尋覓無消息淚痕冰

惹紅綿濕。愁難送。情還種。巫雲昨夜同騎雙鳳。夢夢
夢。

錦帳春

畫眉次宋轅文

翠幄鈎新玉。陰開早。剛照面。鳳窠蘇小。乍添檀。還渲
黛。怕新妝易了。是愁難掃。向月分圖。將山傳稿。長
愛煞。瑩娘才調。曉娥飛。春繭細。問垂陽碧。繞較人多
少。

醉春風

春情

春到誰寧耐。羞結泥金帶。香篝倚處。獨含顰。愛愛愛。

滿院苔圓。半檐榆小。有愁難買。密約勞擔待。鸚鵡
多無賴。隔簾小玉。悄聲傳。咳。咳。咳。花影頻搖。月紋如
動。那人簾外。

行香子

自題小像

烏帽華顛。酒眼詩肩。這形容不稱貂蟬。何須計較。且
自隨緣。去登弁嶺。過雪水。汎茗川。平生放宕。都無
繫戀。只難忘紅袖風前。春來結伴。誰與流連。且同依
少。尋醉叟學頑仙。

前調

茗中新歲

水上山前。柳底梅邊。啓衙齋只似荒園。問君行部。管領誰偏。有一湖月。千嶺雪。萬家烟。客堂人散。胡牀獨自。看春風。又入新年。都來幾夕。甚事堪傳。只連宵詠。前日醉。昨朝眠。

兩同心 新燕次宗梅岑

舞煞東風。一春無盡。恨芹泥未穩。雲廊見柳絮才經露。并怎不記。王謝堂前。夕陽紅冷。小院窻紗綠靜。翩翩自引。喜雙雙剪股。花分憶。兩兩釵梁玉並。更誰知漢殿留仙。那人孤影。

天仙子

甲古梅爲雪所折次載馨

昨夜紅亭三尺雪。斜壓老梅苔翠裂。玉鱗千點卧東風。相思切。情難歇。古香夜半生寒鐵。把酒花前愁不徹。一笛臨風徒怨別。何勞閣上祝花神。春未絕。花重接。羅浮夢醒黃昏月。

滿江紅

和孝威韻

春雨桃花見前夜。茗溪初漲。喜良友東來。雙槳布帆無恙。白雪詩歌行笈裏。青霞笑語吹臺上。更舉杯邀月。有江鱸樽堪餉。樊川夢。情難漾。旗亭句。人空唱。

看遊蜂擾擾。蜜爲誰釀。燕市漫彈高士筑。鄧林本是
仙人杖。問何年。乞得鑑湖歸。臣無狀。

前調 和茶村來韻

秋老茗川。故人來。雨窓橫。念往日歡場勝事。而今
非昔。阮叟尙能矜曠達。盧郎未便稱榮適。但錦囊佳
句。字頻探。金壺漆。詩酒計。誰能得。山水約。應無失。
想心期有素。亮予非飾。剡雪且須留棹住。杜陵不礙
將絲乞。看亭臯。落木亂離。悰真堪惜。

前調 次韻贈雪舟時同茶村過茗

好友經過。客同在。蕭齋促膝。更羨是殷勤。投贈慰予
從昔。名士誰能過。衛玠詩人偏愛隨。高適較當年杜
又更何如。晴如漆。傾蓋處。君相得。棹舟來。吾未失。
信風流。蘊藉無煩修飾。狂草直須裙練寫。新詞不用
巾綃。乞想五陵裘馬。正當時。時應惜。

水調歌頭 聽丁翁彈南曲舊事

天寶當全盛。猶記舊空春。繁華最稱南國。花柳鬪尖
新。歌舞六朝門巷。金粉千家烟雨。楚潤好精神。我始
欲愁矣。何事近黃昏。秋風起。人世改。換朱門。後庭

一曲不應恰向我時聞。重見白頭遺老，細數新亭舊事。此際黯消魂。僕本恨人耳。掩淚對青樽。

鳳凰臺上憶吹簫

和漱玉詞

鏡翠封奩。爐香減篆。晚山青。篔簹眉頭。記燈邊題扇。花底藏鉤。寂寞蕭關人遠。千萬事。總合長休。無聊是早。春天氣。心緒如秋。羞羞玉臺孤影。便夢入巫陽。好更難留。想紫簫吹共。袖倚紅樓。當日畫闌楊柳。曾親見。兩地情眸。而今也。閉庭萱草。不解銷愁。

燭影搖紅

墨妙亭懷古

曲徑斜通。逍遙堂外。多春樹。小亭深翠。挂簷花舊。是藏書處。莘老昔年來住。向公餘搜奇。好古。龜跌螭壁。燕瘦環肥。大蘇曾許。歲月遷流。溪藤也有屯陽數。蛟龍奔走。赴秦灰。那論魚和蠹。到此不堪延佇。笑眉山空題好句。美人名士。奇字雄文。彼蒼門妬。

醉蓬萊

坐韻海樓爲顏魯公舊址

問南朝。多少朱戶。雕梁亂蓬。殘甍此閣。巍然記平原。遺跡惜賞高雲。留歡晴月。好句莓苔碧。銷夜圖書。試春簾。幙坐人百尺。晨鼓初闌。葛巾無事。縱覽湖山。

名
家
詩
集
盱衡今昔魯國當年未罵淮西賊韻海新編鏡源初
就慷慨尚書筆大節千秋危樓幾代倚欄長息

高陽臺

愛山臺看月

坡老歸歟汪丞去矣湖山我又重來明月今宵多情
飛上層臺碧雲萬里無些些翳把亂峰青送衙齋看千
家積水空明人在崔巍畫欄與客徘徊愛竹陰樹
色影落莓苔荇藻交橫魚龍奮甲毳毼水晶宮殿三
更後笑庾郎逸興難裁問黃樓誰是閒人且醉金壘

東風第一枝

杖賢看柳次龔芝麓

螺碧遙峰鵝黃新水大堤烟草初暝紫騮斜裊金鞭
十里笑花風淺瓊粉淡抵多少夢雲愁軟只容他
雙鶴棲遲不許美人鶯燕凝睇處雪迷詩眼坐久
地香吹酒面漫誇點額含章那數綵林隋苑金樽檀
板逗春心串搖珠線問此時隴上參差可似何郎重
見

念奴嬌

社集吳山望西子湖

西子嬌憨把兩峯山色偷將眉嫵做雨弄晴猶未了
又被白蘇收取桂子多情荷香無賴分付閒鷗鷺蘭

亭今日。愴然俯仰千古。况是如雲勝友。超然臺上。立馬圖中處。慷慨乾坤無限事。腸斷畫船歌舞。葛嶺烟霞。段橋花柳。依舊西陵樹。笑傾綠醕。錢郎今在何許。

前調 西湖坐雨和韻

阜亭雲靄似愁癡。一段忽添嬌。嬌鏡裏明眸。渾似睡。又是烟迷南浦。柳剩慵腰。桃含淚。曆紅困蜻蜓。舞金烏不見。無端却恨夸父。人在庾亮樓頭。閒吟倚檻。空把寒鷗數。密約西陵應誤了。擬待來朝晴補影斷。

香車泥封蠟屐。其奈而今苦雨。山鐘打方知。日影分午。

綺羅香 西湖清明

風報桐花雨。吹榆片。春事三分啼鴉。人在湖頭。正值禁烟初燕。看十里入眼。風光是一歲銷魂時節。又誰禁南北峰頭。紙錢却化孤山蝶。樓邊紅袖。徒倚聽賣餚人過。玉笙吹徹。笑指西陵松柏。何年堪結。莫等待。潑火霏微。却做作打毬周折。且分付簫鼓樓船。載多情夜月。

春從天上來

重登超然臺

雨過知春。把萬壑千巖。盡滿晴雲。舊遊重到。攜取芳樽。班荆共坐。嶙峋愛朝來。風日較。往昔益覺清芬。但開眸有春山如髻。春水如鱗。依然去年醉處。聽碧管紅絃。已換閒人。雪滌梅鬢。金舒柳帶。江湖着意。翻新問。風流蘇白。今如在。畫裏乾坤。酒微醺。振衣一嘯。烟靄紛紛。

花發沁園春

無題

艷極生愁。嬌深成歎。恨人恨事長有。雲英未嫁。道韞

無聊。豈料一時都逝。柔腸點點。怎奈取多般禁受。把幾許。劍嘯書慵。平分花樵。香瘦。况復才華輻輳。更箋裁。濤樣字。臨漪手。封綃托雁。製錦憑魚。總是痛花傷柳。三生石老。何處可種蓮成藕。只應也。影裏人兒。夢中相見。巫岫。

風流子

西湖

西湖兒女。地長堤畔。銷盡古今。看兩嶺送青雲。偷眉色。重波皺碧。水學羅紋。更誰處。鶯啼曲玉管。蝶舞鬱金裙。蘭葉舫頭。翠觴涼月。柳絲樓上。紅袖斜醺。

忽風吹塵世。再來處。已是路阻漁人空。記尋香梅市。
索笑桃門。歎霜高木瘦。鄂王祠廟。渚寒花謝。蘇小鄉
鄰。幾度斷橋佇立。惆悵黃昏。

沁園春

悠然閣種木芍藥

半閣初成正。見南山。名曰悠然。有疎窻六尺。低纔壓
帽。藏書兩架。小恰如船。芳樹檐頭。晴嵐屋上。放了晨
衙。卽醉眠春深矣。且聘紅買綠。俸裏支錢。洛陽佳
種。爭妍想太白。清平調。可憐把護。花鈴索。隨時安頓。
移春亭。慢着意。遮全貫。酒酌香。教歌試艷。揀與東皇。

結勝緣。吾還笑笑。當年杜牧也。爲花顛。

前調

題顧希文碧梧翠竹堂

山水之間。正壑存焉。爲誰所居。是玉山。往歲雅人遺
意。金昌此日。塾客新廬。百尺青瑤。千竿碧玉。映帶濃
陰。五畝餘。當清晝。聽鳳吟。鸞嘯。天籟徐徐。紅橋仄
徑。紫紆更着。箇茅亭對綠蕖。况龍文藻思。烟雲能賦。
虎頭妙筆。瀛海堪圖。都謂先生可稱高士。爲圃爲農。
並讀書。吾深羨羨。此中大隱。却勝菰蘆。

賀新郎

女子壽韻送袁兩生歸娶廣陵

似汝真佳客。五亭前。輕衫側帽。品紅裁碧。醉後偶然。
歌水調。壓碎江頭鐵笛。且莫笑。登樓岑寂。試問周郎。
能顧曲。向年時。赤壁纔摧敵。君好去。圖鵬息。藍橋
本是裴航宅。况雷塘玉簫明月。風流難畢。鏡閣雙眉。
人待畫索笑。三生舊石。又豈待阮家南北。從此臨卍。
沾酒伴。羨遠山對影。肩雙立。齊拍手。稱連璧。

玉女搖仙珮

無題

蓬山萬里。瞥遇仙姿。不是飄風班綴。向月傳神。將花
點。壓總有自然佳麗。眉黛誰堪比。怕遙峰碧嫩。似人

非易想。應是鴛鴦命。合便不相逢。料也難已。最愛下
重簾。燭底杯前。雨媽雲媚。何況深憐。淺惜。箴骨相
思。忍令白頭拋棄。薦枕楚臺。吹簫秦苑。未似而今。稱
美紫袖。肩同倚。雕闌畔。還把紅蘭香。藝願莫忘長生。
夜語。西陵松柏。久長情意。如辜誓他年。試檢雙鴛被。
夢兒中。猛喚一聲。堪惜。幾年來。狂多醉少。不逢些好
消息。又長安杏花紅處。看他人上馬顏色。青草衣袍。
黃花顏面。一牀寒雨。愁空滴。牛衣冷。籠頭布帽。燈影

多麗

贈內

弄餘碧。三更後。封侯枕上醒來無跡。笑人裏平原
絕少。那有黃金迎客。爲伊行冷心溫。熱又重把瑤壺
共擊。碧碗澆愁。紅衫搵淚。鸛裘沾酒。陶家甕更憐取
歌成五憶。同讀還同懌。臨卬去。秋雨茂陵。忍添鸞隻。

朱竹垞

夔尊

曰詩降而詞。取則未遠。一自詞以香

艷爲主。寧爲風雅罪人之說。興而詩人忠厚之
意微矣。竊謂詞之與詩。體格雖別。而興會所發。
庸詎有異乎。奈之何岐之爲二也。藺次之詞。選
調寓聲。各有旨趣。纏綿悱惻。足以興感。而不失
詩人忠厚之意。豈特其詞之工也已。

孫介夫

金礪

曰先生之詞。言情寫怨。無不婉暢流

麗。盡態極妍。令人把之。若有氣。望之。若有色。聽
之。若有聲。咀之。若有味。淡得鏡歌鼓吹。清商舞

調之節而爲填詞。其格其趣其意其理畢臻備美。雖侍制屯田復出莫不方鳴而齊驅也夫。

聶晉人

先

曰吳興有藝香山相傳爲西施種蘭處。

先生之詞香艷異常詞名藝香其果稱其實耶。

